

Parlamentario Endy Croes:

Na Sint Maarten tin Minister a wordo deteni
**“CASO AVESTRUZ DEN PLENO DESAROYO
 Y KIZAS UN ORA PA OTRO DETENCIONNAN
 POR CUMINSA CAY”**



DEPARTAMENTO DI RIJBEWIJS TA CERA PA PUBLICO AWE



MUHER A HINCA HOMBER NA ALTO VISTA

Polis a detene e muher mesora



APA NV TA LAMENTA INSINUACIONNAN SIN BASE RELACIONA CU PROYECTO PORT CITY

Aruba Ports Authority (APA) NV a tuma nota di un publicacion di e partido politico RAIZ cu ta pidi intervencion di Prome Minister Evelyn Wever Croes, pa den e caso di e proyecto Port City Gerencia di APA ta lamenta cu partido Raiz ta saca conclusion sin tin ningun tipo di informacion y conocimiento di e proyecto aki. Na ningun momento ningun representante di partido RAIZ a acerca gerencia di APA of Hunta di Comisario pa haya informacion y educan nan mes riba e Proyecto aki. Apesar cu e partido kier traha a base di integridad na prome luga, ta bira atacha credibilidad di un proyecto cu ta asina importante tanto pa APA como pa Aruba, mirando e impacto economico cu e lo bay genera, sin tin ningun conocimiento di esaki.” Semper APA NV a traha den un



forma transparente y ta atene su mes na normanan di Good Corporate Governance y ta lamenta cu un partido politico ta trata di atacha esaki den un forma irresponsabel.

APA ta spera cu RAIZ haci un analisis profundo, basa riba datonan concreto y combersando directamente cu APA, prome bay na difama un proyecto cu su desaroyo tin partnernan internacional involvi den dje y cual proyecto, un biaha mas, ta bay estrictamente segun reglanan.

PRESUPUESTO DI ARUBA TOURISM AUTHORITY PA AÑA 2020 A WORDO PRESENTA NA MINISTER DI TURISMO



PRESUPUESTO DI ARUBA TOURISM AUTHORITY PA AÑA 2020 A WORDO PRESENTA NA MINISTER DI TURISMO



Desde mei e aña aki, varios reunion interno a wordo teni, cu e ekipo di A.T.A. local como tambe internacional. Tambe a sostene reunionnan unda a papia di proyeccion y plannan pa 2020 cu socionan di turismo, cu Hunta di Supervision di A.T.A., como tambe di AHATA entre otro. Topiconan discuti ta den cuadro di maneho di turismo nacional delinea pa Minister di Turismo y su ekipo.

Esaki a conduci na entrega formal di e plan y presupuesto pa 2020 na Hunta di Supervision di A.T.A. riba 30 di Augustus 2019, y consecuentemente na Minister di Turismo riba 25 di September 2019. Tabata un placer pa presenta e documento aki na Minister di Turismo, sr. Danguillaume Oduber, diarazon ultimo, 23 di Oktober 2019.

Minister di Turismo a expresa su gratitud pa cu e logronan proyecta pa 2019 y pa cu e strategia y empuhe continuo di parti di A.T.A. pa 2020. E hecho cu turismo a duna resultadonan record ultimo añanan y ta proyecta di cera 2019 na un manera fuerte atrobe a yuda nos pais enormemente. Minister

ta satisfecho cu e meta di sigui incrementa entrada pa pais Aruba na 2020, y cu esaki sigui enfoca riba e balor cu nos ta ricibi pa medio di turismo. Esaki lo bay man den man cu atraccion di e bishitante cu por laga mas atras den nos economia y cu esaki ta cumpli cu un di e visionnan principal di Ministerio di Turismo.

Ronella Tjin Asjoe-Croes, CEO di Aruba Tourism Authority, a indica di ta satisfecho cu pa di 9 aña consecutivo a entrega e presupuesto conforme loke ley ta prescribi pa A.T.A., esta prome cu September 1. E proceso pa entrega e presupuesto ta tuma hopi luna di preparacion pa asina evalua y determina kico ta e miho strategia pa e aña cu ta sigui –esaki mas cu claro ta cuadra den e malchi mas amplio di e plan strategico pa Aruba su turismo tambe, conforme maneho nacional y conforme “Business Plan” di A.T.A. Eaña aki tabata un bon pa loke ta Aruba su turismo. Mas cu claro semper tin aspecto pa mehora y cosnan cu por haci miho, y esaki ta aplicabel no solamente pa A.T.A. pero pa un y tur cu ta traha den turismo. E puntonan cu mehoracion y di cambio

tur ta inclui den e plan pa 2020, tambe e aspectonan cu lo mantene y cu ta dunando bon resultado. E demanda pa Aruba a sigui di ta fuerte, e plan presenta mester yuda nos combati e competencia sumamente fuerte eyfor.

Proyeccionnan 2020
Pa loke ta e 4 indicadornan principal nacional; pa 2020 a inclui como meta un crecimiento 2.2% den ‘stay-over arrivals’ (turistanan di estadia) y un crecimiento di entre 2% y 3% den Tourism Credits. Pa cu resultado di RevPar, esaki ta proyecta pa crece entre 2% pa 3%. E meta di turismo crucero ta pa consolida y pues mantene e resultado di e aña aki.

Proyectonan
Tin cu menciona cu un di e prioridadnan den e corporate plan di A.T.A. 2020 ta upgrading di pais Aruba. Conforme maneho di Minister di Turismo cu ta kere den calidad di turismo, busca e turista afuente, Aruba mester un producto pa di e forma aki e turista haya balor pa su placa. Den aña 2020 lo bay target e turista cu tin un entrada anual di US\$ 200.000.- Esaki ta prome biaha ta target e turista cu entrada anual aki. Lo bay inverti den e proyecto di Baby Beach fase 2 y

tambe Bushiri Beach fase 2. Lo bin cu un mountain bike trail cu sigur ta algo nobo y trending. Lo enfoca riba mercadonan niche manera diving, kitesurfing y piscamento y tambe un programa cu enfasis riba esakinan.

Averahe di Crecemento Anual 2011-2018
Desde di introduccion di A.T.A. Sui Generis na 2011, metanan a base di e 4 indicadornan principal a ser cumpli. Por nota e averahe di crecimiento anual pa cada un di e indicadornan pa cu e periodo di 2011 pa 2018: Stay-Over Arrivals: +4%, Tourism Receipts: +5%,

RevPar: +7%, Cruise Arrivals: +5%.

Presupuesto 2020
Conforme presupuesto presenta pa 2020, A.T.A. su entrada operacional (revenues) lo ser uza primordialmente pa mercadeo internacional y parti di esaki pa mehoracion di nos producto turistico.

Ronella Tjin Asjoe-Croes ta gradici y felicita e ekipo completo di A.T.A. cu a traha duro pa asina percura un biaha mas pa Aruba Tourism Authority por entrega un documento completo y bon balansa.



ARE YOU LOOKING FOR A NEW CHALLENGE?

WE HAVE A VACANCY FOR AN APPLICATION & SOLUTIONS ENGINEER

Visit our website www.cbaruba.org for more information

MUHER A HINCA HOMBER NA ALTO VISTA

Polis a detene e muher mesora



Diamars anochi pa mas o menos 11'or polis a ser pidi cu urgencia na un adres situa na Alto Vista, unda un señora lo a hinca un homber. Na yegada di polis enberdad a bin topa cu un homber cu

hinca na pia drechi parti ariba. Mesora polis a bay over na detene e muher y a pidi Transportwagen, unda cu na yegada a hib'e directamente Warda di Shaba.



Mientras tanto Ambulance a yega na e cas unda Paramediconan cu ayudo di mas hende na e cas a yuda e homber subi den e vehiculo.


Na e sitio por a tende cu aparentemente e hinca lo no ta mucho serio y cu e chance ta grandi cu despues cu Dokter caba di atende e homber, e lo por wordo deteni tambe.



Kico ta e problema cu a causa e acto aki no ta

conoci pa nos y tampoco no sa e relacion cu e

homber y muher tin cu otro.



Minister Otmar Oduber:

Maneho di Parke Marino oficialmente traspasa pa Parke Nacional Aruba



Diarazon 23 di Oktober oficialmente Minister di Desaroyo Teritorial, Infraestructura y Medio Ambiente Otmar Oduber a haci entrega di e decreto nacional cu ta traspasa e Parke Marino su maneho pa Parke Nacional Aruba. Esaki ta encera cu den e proceso cu a tuma lugar durante e ultimo lunanan, a consulta cu comunidad y varios stakeholder (usuarionan, piscadornan, companianan di deporte acuatico etc.). Pa poco poco por a crea un plan di maneho.

Importante den esaki tabata pa e plan di maneho cu ta wordo ehecuta ta uno flexibel y vigente pa un periodo relativamente cortico (dos aña). Pakico? Pasobra a pesar cu tabatin envolvimento grandi di comunidad pa por a prepara e plan aki, ta consciente tambe cu lo tin mas interaccion cu lo tuma lugar considerando

cu e ta algo nobo cu ta keda introduci y su importancia. Pues ta laga espacio pa por trece mas adaptacion riba e plan, pa despues traha riba uno pa largo plazo (cinco of dies aña). E plan di maneho cu lo ehecuta, ta enfoca riba conscientizacion na comunidad di local kier logra, kico kier proteha y con pa haci esaki hunto.

Minister Oduber ta gradici cada persona, organizacion, stakeholders, GOs, y NGOs cu a traha hunto pa realiza e momento aki.

PUEBLO A HAÑA SU PEN BEK

Pa kualkier informacion
solodipueblo@gmail.com
or
585-9500



POLIS A DETENE ADICTO CU TIN PROBLEMA MENTAL NA SAN NICOLAS

Diamars mainta automobilistanan tabata slow down momento cu agentenan policial tabata wantando un homber pa nan boei e.

Durante cu e agentenan tabata tin e want pa e pone e boei por a mira e agente cu Latex Glove. Posiblemente door cu detenido lo ta un usado di droga.

E homber aki di Fam. W a nace na Santo Domingo pero tin paspoort Hulandes. Segun nos a compronde,

durante dia e tabata haci bastante fastioso den cayanan di San Nicolas. Por ehempel e lo ta keda pidi turistanan placa.

Ariba dje e homber aki ta un di e tantisimo hendenan cu ta paciente di SPD.

Momento cu el'a wordo deteni y hiba warda polis a logra haya ariba un papel di 100\$, pero esaki tabata falso.

Agentenan a cere pa un rato, pa su wayaba di droga pasa.



MUHER ILEGAL CORIENDO CU NUMBER ILEGAL

Dialuna mainta alrededor di 11.30 un patruxa coriendo riba Avenida Nelson Orlando Oduber na altura di e retonde nobo dilanti Superfood, a ripara un auto Toyota Yaris modelnan bieu color cla, pasa bay.

Sin embargo a nota tambe cu e number di e auto tabata masha straño caminda un pida plachi tabata cubri e otro parti y mesora a bay over na pidi chauffeur di e auto pa para.

A bin resulta cu e plachi di number tabata data for di 2013, pues seis aña pasa y mesora e chauffeur femenino a informa polis cu e no tin su

rijbewijs cune y tampoco su documentonan di identificacion. E señora di inicial R. naci na Venezuela a declara cu el a yega Aruba dia 7 di Juli di 2019 y su peticion di permiso di permanencia ta den proceso.

Polisnan a tuma contacto cu Guarda Nos Costa y enberdad a resulta cu e señora a drenta Aruba riba e fecha cu el' a menciona pero e tabatin permiso pa keda 23 dia pero nunca mas el a bandona Aruba, pues e ta kedando den forma ilegal.

A bay over na su detencion y a pase pa departamento di guarda nos costa.

AWAY

Cumpra bo Mini Mega y cu Afl. 2,- mas, bo por gana e jackpot di

Afl. 585.000,-

Con?

Afl. 5

Afl. 425.000,-

+

Extra!

Afl. 160.000,-

www.lottoaruba.com

Pa mas informacion yama 525-7555 of bishita nos website lottoaruba.com

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

Esey SI ta berdad

MINISTER OTMAR ODUBER A CERA DUMP DESDE JUNI 2018 CABA CU HOPI BUYA

Awor kier cer'e atrobe?

Desde dia 1 di Juni 2018, ta dirigiendo mas di 80% di desperdicio di Aruba, incluyendo domestico y comercial, pa EcoGas situa na Barcadera, por medio di un contract entre Serlimar y EcoGas. Mesora a nota un cambio drastico den e inconveniencia cu ta causa na e bario y e trahadornan. Pasobra awor mester atende cu e desperdicio di hopi aña cu tin eyriba pero e sero di sushi no ta sigui crece ni ta añadi mas desperdicio di tur sorto den e mezcla.

E sobra di desperdicio cu ainda ta bay Parkietenbos ta consisti di cadaver di bestia, desperdicio di Hospital, sludge di RWZI, sludge di hotels y restaurants cu tur hunto ta 7%, cu mester kima den e incinerator chikito y nobo instala recientemente riba e mesun tereno di dump na Parkietenbos. Tambe tin un cell special na Parkietenbos pa ricibi asbest den un forma corecto, cu hunto ta representa menos cu 1% di desperdicio eyriba. Sobra di tur desperdicio por bay EcoGas, lagando dump na Parkietenbos sin problema adicional fuera di e sero grandi di pasado.

Pa loke ta remediacion di loke a keda di e dump, Ministro a encamina un proceso di RFP y e compania Romar Trading a sali ganador di e destaho. Awor mester cuminsa cu e remediacion pa drecha e desaster cu a keda atras despues di tanto aña ta dump eynan.

Diripiente ta papiando awor di cera dump atrobe comosifuera e desperdicio cu ta produci mal holo ta bay dump ainda, locual NO ta berdad! Tambe ta referi ultimamente na rapport di PAHO comosifuera nan ta recomenda un mass burn incinerator. Esey tampoco NO ta berdad.

Locual SI e rapport di PAHO ta bisa ta:

No se puede realizar un análisis orientado a mejorar las condiciones

del manejo de residuos sólidos a corto mediano y largo plazo, ya que no existen datos actualizados de los flujos de ingresos y salidas en los sistemas de tratamiento y disposición final, tampoco un análisis de la composición de los residuos sólidos, ni eficiencias en sistemas de tratamiento y disposición final. Por lo tanto; cualquier recomendación actual bajo cualquier técnica de procesamiento, será absolutamente subjetiva y deberá ser considerada como una opinión.

- Es necesario desarrollar un estudio de caracterización de residuos sólidos para identificar y cuantificar los residuos sólidos generados por la población, la industria y el turismo, de modo que se pueda contar con datos actualizados y certeros de composición física de acuerdo a lo descrito en el ítem 5.2.2.1.1. del presente documento

- Es necesario desarrollar un estudio de caracterización de residuos sólidos para identificar y cuantificar los residuos sólidos post tratamiento (que son enviados a disposición final), de modo que se pueda contar con datos actualizados y certeros de los rendimientos, tasas de recuperación, costos por Tonelada y otros indicadores de interés según lo descrito en el ítem 5.2.2.1.1. del presente documento

Mester bisa aserca cu PAHO a recomenda e sistema cu EcoGas ta usando actualmente pa procesa e desperdicio, door di separ'e, paket'e y der'e. Esaki ta loke PAHO a bisa di e proceso di EcoGas:

Cumple con reducir el volumen de los residuos, optimizando aspectos clave en las tareas de disposición final del mismo. Este proceso desarrolla un proceso de trituración para luego enfardarlos, en bloques compactos asegurados con hilos de metal que luego son introducidos en fardos



de polipropileno que tiene las siguientes medidas referenciales recogidas en la visita de campo. Es fundamental tener en cuenta que, esta forma de disponer el residuo, es muy ventajosa, ya que alcanza grandes densidades superiores al relleno sanitario, aumentando sustancialmente su vida útil, beneficio que se requiere en Aruba por su poca disponibilidad de espacios.

Pa colmo, e mesun comision WERKGROEP SOLID WASTE MANAGEMENT 2018 cu Minister a nombra, ta recomenda entre otro pa manda tur RDF pa EcoGas y dera e RDF den pit designa. Tambe nan ta conseha Gobierno pa restructura Serlimar pa por competi den coleccion di desperdicio.

Ta di lamenta cu na un forma structura ta purbando di tur

forma pa hustifica un contract pa bin cu un mass burn incinerator pa Aruba siendo cu tur conseho, hasta di PAHO y hasta di e comision di Gobierno mes, ta conseha lo contrario. E ta straña tur hende cu di un banda, Gobierno kier stimula economia door di promove mas inversion local, mientras di otro banda ta haciendo tur lo posibel pa stroba companianan local.

Conseho di Minister a bisa MetaCorp aña pasa, ora a cuminsa prepara pa celebra 100 aña di existencia na 2020, cu nan ta bonbini pa sigui inverti na Aruba, sigui crece y sigui emplea mas Arubiano. Pero ta parece cu a bin un cambio den maneho y diripiente ta inventando ley tras di ley pa persigui e compania, stroba su desaroyo y elimina cupo di trabao di nan empleadonan.

Partido RAIZ: E partido di Double Standards!

MINISTER DANGUI ODUBER TA RETA PARTIDO RAIZ PA MENCIONA NUMBER FAM DI ESNAN CU E TA ACUSA Y PRESENTA E PRUEBA!



“Awe mi a tuma nota di un carta cu a ser manda rond mundo pa partido RAIZ pa “mancha” e bunita proyecto di Portcity Aruba cu porcierto NO a ni cuminsa ainda. E mentalidad so di dañ a number di bo mes pais y reputacion di hendenan serio ta di lamenta.

Ursel y su partido RAIZ por wordo considera como e partido di “Double Standards”

Ta hopi fresco den nos memoria cu na mes momento cu e tabata colecta firma pa no bin mas kamber di hotel. E mes ta haci peticion pa su hotel haya un expansion di kamber di hotel. Si e no ta corda nos lo recorde cu e carta cu e mes a manda pa colega minister Otmar Oduber pidiendo esaki.

Mas condenabel y lamentabel aun ta ora ma kere cu partido RAIZ lo a cuestiona e hecho cu tin un miembro di parlamento como sospechoso den e caso di Avestruz, e l'a scoge pa keda keto keto y ningun dia por a scuche of lesa ningun carta cu a ser manda rond mundo of cualkier comunicado di prensa pa cuestiona con

un miembro di parlamento ta keda den parlamento siendo bao investigacion. Te dia di awe nos no a scucha opinion di partido RAIZ riba e caso aki. Ki credibilidad politico bo por tin? Pero pa ataca ciudadanonan anto manera un cobarde sin menciona number si ta bon pero pa cuestiona un miembro di parlamento si ta keda keto. Dicon e no a manda carta pa gobernador pa pidi retiro di e miembro aki di parlamento?

Integridad ta hopi halto riba nos agenda di gobierno y tur proyecto ta bay conforme reglanan di “corporate good governance”.

Na momento cu partido RAIZ ta cuestiona y pidi gobierno pa para e proyecto aki temporalmente ta mas cu logico cu e mester substancia esaki cu pruebanan y no crea duda den un proyecto si no por presenta ningun prueba.

Mi ta pidi partido RAIZ cu na momento cu ta insinua algo robez pa por favor menciona number y fam di cualkier miembro di e hunta di comisario di APA NV cu por ta sea un

sospechoso of testigo den e caso Avestruz y tambe comparti cu gobierno e pruebanan aki mas pronto cu ta posibel. Nos ta spera di por ricibi esaki liher for di partido RAIZ pasobra obviamente ora bo haci un acusacion asina serio bo mester por tin pruebanan tambe. Si e pruebanan ta existi, gobierno lo tuma e pasonan necesario. Si en caso cualkier miembro di e hunta di supervision di APA NV por ta un sospechoso gobierno lo no duda di actua

conforme reglanan di bon gobernacion y integridad. Ora bo kier cuestiona un persona menciona su number y fam y no ta ataca hendenan cu ta bon prepara pa nan funcion cu porcierto NO ta politico. Un disculpa na APA y su trahadornan ta na su lugar pa purba mancha y dañ e bon reputacion di e compania estatal aki. Bo ta ataca ciudadanonan just pa sirbi bo propio interes.

Raiz simplemente ta hiba e politica anticua di wak

spirito caminda NO tin! Ta tristo pa mira con un hoben politico ta wordo guia pa e hiba e politica cu e mes tanto a bisa di no lo bay hiba. Si awor caba e ta asina ta con e lo ta pa futuro. Ningun cambio den mentalidad y ningun cambio den manera di hiba politica. Tira lodo riba hende semper ta masha facil!

Si BO NO por presenta prueba nos ta exige partido RAIZ tambe pa rectifica y pidi disculpa na tur esnan cu e kier mancha!



GRAND OPENING CELEBRATION

SATURDAY, OCTOBER 26th

WIN YOUR SHARE OF OVER \$20,000!

RECEIVE \$15 FREE PLAY!



Play online for FREE at
WindCreekCasino.com.
Sign up with event code
SEAGO to get this offer.*

We're excited to reveal the brand new
Wind Creek Seaport Casino, where
your next win is just around the corner!
Start earning entries October 21st to
win a share of over **\$20,000 in CASH**
and **FREE Play** at our Grand Opening
Celebration on October 26th.



WIND CREEK[®]
SEAPORT CASINO

FIND YOUR WINNING MOMENT.[®]
WindCreekAruba.com | #WinningMoment #WindCreekAruba

©2019 Wind Creek Hospitality. Wind Creek Hospitality management reserves all rights. *Must be 18 years or older. Offer can be used for either FREE Slot Play or FREE Match Play at tables. Valid for new online accounts only. Limit one FREE Play redemption per new WindCreekCasino.com account. May not be combined with other offers. Email verification required. Offer expires 12/30/2019. See PLAYER SERVICES for details.

Parlamentario drs. Shailiny Tromp-Lee (MEP) cu un reunion fructifero cu Departamento di Labor

Dialuna ultimo, dia 21 di Oktober 2019, Parlamentario drs. Shailiny Tromp-Lee di MEP a reuni cu Director di Labor, Hefe y Senior Onderzoeker di Seccion di Investigacion y Huristanan di DAO.

Un reunion caminda diferente topico a keda trata manera:

- Bestuurlijke handhaving;
- Desempleo bao di nos hobennan y conexion entre enseñanza y mercado laboral;
- Stipulacion di un maneho laboral dirigi riba nos hobennan y e proceso cu ta tumando lugar pa yega na esaki;
- Ley di salario minimo y posibel introduccion di un salario minimo pa hobennan.

Riba mayoria punto ya caba Parlamentario Tromp-Lee a yega di reuni cu dicho departamento y esaki tabata un 'vervolgvergadering' cu ta forma parti di e proceso di

formulacion di algun posibel iniciativa di ley cu sra. Tromp-Lee lo kier presenta den un futuro cercano.

Na final di e reunion como Voorzitter di Comision Fiho di Parlamento di Asuntonan Laboral y Sector Primario, Tromp-Lee a extende un invitacion na Departamento di Labor pa nan bin haci un presentacion encuanto e proceso cu ta tumando lugar pa yega na un maneho laboral dirigi specialmente riba nos hobennan.

Mirando cu no obstante e hecho cu e porcentahe di desempleo bao di nos hobennan a baha, esaki ainda ta halto, cual na opinion di Tromp-Lee sigur ta rekeri un maneho dirigi specialmente riba e grupo aki. Segun Tromp-Lee nos hobennan merece di por subi mercado laboral, di por sigui desaroya y crece den un profesion y bira adultonan independiente y exitoso.



UN DIANOBO CU FRANCIS

TUR MAINTA DI 8 OR PA 10 OR

FLOOR & WALL TILE SALE

26 & 27 OCTOBER 2019

WE'RE MAKING ROOM FOR OUR NEW ASSORTMENT

ENJOY BIG SAVINGS

WHILE SUPPLIES LAST

PORCELAIN SPECIAL

Starting at

19.99 P/M²

AVAILABLE SIZES

15 x 60 cm | 30 x 40 cm

60 x 60 cm | 30 x 60 cm

50% DISCOUNT

ON SELECTED FLOOR & WALL TILES

CASH & CARRY

7 DAYS OPEN

2X fun miles

KOOSM FUN MILES

KOORYMANBV.COM

KOORYMAN.ARUBA

KOORYMAN

THERE IS ALWAYS SOMETHING TO DO

Parlamentario Endy Croes:

Na Sint Maarten tin Minister a wordo deteni

“CASO AVESTRUZ DEN PLENO DESAROYO Y KIZAS UN ORA PA OTRO DETENCIONNAN POR CUMINSA CAY”

Parlamentario Endy Croes tin e pleno confianza den husticia y ta sigur cu Ministerio Publico sin ningun influencia politico ta trahando riba e caso AVESTRUZ esta e caso di corrupcion den gran escala relaciona cu bendemento di tereno. Un clan di AVP den un forma organiza y structura tabata deal terenonan comercial cu amigonan di AVP kendenan momento nan ricibi optie cu bendicion di ex - minister di AVP Benny Sevinger ta bira bende esakinan pa miyones. Mayoria traspaso a pasa riba cuentanan sea na Miami of Panama y asina AVP a crea diferente miyonario chikito. Tur cos ta muestra cu E CAPO den e caso di AVESTRUZ ta e Parlamentario di AVP Benny Sevinger. Tambe tur cos ta muestra cu un ora pa otro detencionnan lo por cuminsa cay.

Culpabilidad di Paul Croes Parlamento tin caba un mancha formal riba dje como cu ex - Presidente y ex - minister tambe di AVP, esta Paul Croes a wordo condena na 4 aña di prison y 10 aña cu e no por aparece riba ningun lista politico y no por funciona den aparato gubernamental. Paul a wordo haya culpabel di a bende alrededor di 2000 permiso, dunando ontheffing a cambio di hopi placa. Awor ta na turno un otro caso di corrupcion cual indicacionnan ta muestra di ta mucho pero mucho mas grandi cu e corrupcion di e caso di Paul Croes. Pa e motibo aki tambe Mike Eman kier cuminsa lanta cabez y a cuminsa usa su fiel ex - coordinadornan den compania di candidatonan pa asina purba moviliza den San Nicolas recientemente pa kita atencion di e caso di Benny. Mike Eman y

AVP cueste loke cueste kier crea disturbio pa trata na regresa den gobierno pa asina por pone un paro na e caso di Benny Sevinger.

Esun cu faya ta haya Hopi ta esnan cu ta puntra dicon Mike Eman no a saca man mescos pa Paul Croes? Hmmm. Laga Mike Eman mes contesta esaki, Parlamentario Croes a sigui splica. Un cos ta sigur no a trata tur dos mescos. Tur dos ta corrupto ta un hecho no mas cu un ta prueba door di un Huez y esun di dos lo bay wordo sentencia den futuro y asina haya su veredicto tambe alrespecto esaki. Parlamentario Croes ta termina bisando pa pueblo keda atento y sigui e casonan aki di cerca. No laga manipulacion di AVP unda nan kier bringa cueste loke cueste pa drenta gobierno pa nan por para e casonan aki.



Aruba merece mucho mihor. Mike Eman y Benny Sevinger ta manera dos bonchi den un baliña kendenan hunto a desgracia e pais aki. Duna tempo tempo y tempo lo sa di huzga tur e corruptonan di AVP kendenan a destrosa nos baranca tan stima. Hopi caminda cu nos ta bishita nos por scucha comprension di pueblo pa e situacion cu nos a hereda y expresionnan fuerte constantemente di nunca pero nunca mas AVP. Esun cu faya ta haya!

Minister Plenipotenciario na Washington, Joselin Croes:

E IMPORTANCIA DI COLABORACION INTERNACIONAL PA ARUBA

Minister Plenipotenciario na Washington, Joselin Croes a reacciona riba un corant local cu a “copy paste” un post di su Facebook na unda el a compilar tur e colaboracionnan, ayudo tecnico, capacitacion cu Aruba pronto lo ricibi di Fondo Monetario Internacional (IMF). E corant aki a cualifica e logro aki como un berguena nacional y a implica cu e ta un berguena cu Aruba mes no tin experto riba e tereno aki pa haci e trabaonan rekeri.

“Na e corant aki mi kier haci e siguiente pregunta. Si New York Times, Miami Herald, CNN of BBC ofrece bo corant cu e lo manda un team di cuater hende Aruba pa duna bo team na Aruba training y of ayudo gratis y tambe nan lo yuda bo mehora bo corant cu consehonan valido, bo lo bise NO pasobra ta un berguena pa bo corant of bo lo gradici’e pa considera bo corant y bo lo acepta e colaboracion y ayudo aki man habri?”.

Minister Plenipotenciario Croes a enfatiza cu Aruba mester ta agradecido cu e ayudonan internacional cu Aruba a logra haya danki na e insistencia di nos Prome

Minister y Minister di Finanzas, Economia y Cultura durante cada bishita na Washington DC of New York. IMF ta un institucion cu mas di 60 aña di experticio riba e ramo monetario y finanzas publico. IMF tin 189 pais tur rond di mundo como miembro cu hunto ta traha pa estabiliza y mehora e situacion financiero y economico di mundo. Nan tin un total di 2400 empleado cu nan experticio ta yuda paisnan cu training, capacitacion, audit, control, estadistica y mas. Nan ta yuda tur aña mas o menos 30 pais y nos ta privilegia cu Aruba tambe lo ta un di e paisnan cu e iaña aki y otro aña lo por conta cu e experticio y ayudo di IMF.

Minister Plenipotenciario Croes a expresa cu esaki no ta significa ningun momento cu Aruba no tin hende capacita pa haci e trabaonan aki. Esaki ta significa cu Aruba lo haya ayudo pa controla y wak si e trabao cu e ta haciendo ta cumpli cu normanan internacional. Tambe e lo trece cu ne cu Aruba lo por compara su datonan cu otro islanan den Caribe pa wak con nos ta haciendo ya cu IMF tin tur e datonan aki.

Otro colaboracionan internacional importante pa Aruba, segun Minister Plenipotenciario Croes, ta por ehempel esun cu Pan American Health Organization (PAHO) cu ta yudando Aruba compila y traha estadística di e maleza di cáncer na Aruba. Den pasado nan a yuda Aruba cu rapport riba obesitas y diabeticos. Tambe Aruba ta haya ayudo di WorldBank (WB) pa cu e “doing business report”. Un otro colaboracion importante ta cu State Department y Department of Justice cu tambe ta colabora cu Cuerpo Policial di Aruba. Asina tin hopi mas colaboracion entre Aruba y instancianan internacional. No ta Gobierno so ta busca colaboracionnan y ayudo internacional pero por ehempel Universidad di Aruba, IPA, Biblioteca Nacional y hopi mas instancia publico y priva ta afilia nan mes cu organisacionnan internacional pa mehora nan servicio, curiculo y capacitacion di nan staff.

“Den tur caso ami lo sigui traha duro pa crea oportunidadnan pa colaboracion y capacitacion pa Aruba, pasobra nos ta un isla



chikito y no ta tur cos nos por haci nos so. Tur pais na mundo ta haciendo mesun cos y nos no por laga oportunidadnan grandi y positivo asina pasa nos voorbij.

Mi kier a usa e oportunidad aki pa encurasha y invita tur Arubiano cu ta interesa pa tuma cursonan gratis di IMF riba e topico di Maneho di Finanzas Publico pa registra na IMF.org/PFMx. Ami a tuma parti di e curso aki y e ta hopi simpel y duidelijk. E ta yuda bo comprende con e presupuesto anual di pais Aruba ta wordo traha y e impacto cu cada decision tin pa bo y pa bo isla. E curso aki ta habri pa un y tur cu ta interesa pa tum’e”, Minister Plenipotenciario Joselin Croes a duna di conoce.

Pelea cu arma riba futbol

Dialuna anochi cu urgencia central a dirigi un patruya pa Guyabastraat caminda informe a drenta cu lo tin un pelea tumando lugar cu arma involvi. Na e sitio polisnan ta topa cu dos conocido recidivista di inicialnan B y L kendenan ta declara nan tabatin un

discusion verbal pisa c'un tercera persona cu hopi gritamento y tur esaki relaciona cu un wega di futbol.

Ora cu polisnan a nota cu no tabatin nada di arma involvi a duna e dos tiponan un scual y a core cu nan for di e sitio.

CHOLLER DEN CURA DI CAS

Dialuna algo prome cu 4'or di marduga, central di polis a dirigi un patruya pa un adres den Caya Ernesto Petronia caminda lo tin un persona desconoci canando den cura di un cas.

Na e sitio indica polisnan ta yega y enberdad ta bin topa cu e conocido choller di inicial F kende ta declara na polis cu e tabata drumi den porch di e cas pero a spierta ora cu el a scucha un hende kibra un glas.

Segun choller F, el a tuma nota di presencia di un colega choller di inicial D den mesun cura di cas

y el a sigura polisnan cu el a atende cu e tipo aki formalmente y a core for di e sitio.

Polisnan a muestra choller F cu e tampoco por cana riba tereno cu no ta di dje y despues di a atende su persona, e core for di e sitio.

A papia tambe cu e denunciante di e caso kende ta bisiña di e cas den cual tur cos a tuma lugar y ela informa cu polisnan di presencia di e dos chollernan. Polis pidi e señora pa avisa doño di e cas pa e tuma contacto cu central di polis pa e bin duna un keho.

Lo cera caminda di Piedra Plat en conexion cu asfaltamento

Departamento di Obra Publico ta informa pueblo di Aruba en general y specialmente nos automobilistanan cu ta haci uso di e caminda di Piedra Plat cu diahuebs dia 31 di Oktober 2019 te cu diabierna dia 1 di November 2019 lo bay cer'e parcialmente pa asfaltamento.

Trabaonan preparativo a cuminsa caba y e caminda cu lo asfalta ta di Piedra Plat #100E pa Piedra Plat #104.

Ruta alternativa lo keda indica cu baricada- y



borchinan di aviso y e orario di ceramento lo ta di 8'or di mainta te cu 4'or di atardi.

Enconexion cu trabaonan menciona Departamento di Obra Publico ta pidi pa tene cuenta cu e inconveniencianan cu lo por surgi pa cual nos ta pidi nos disculpa.

CUERPO POLICIAL ARUBA TA INFORMA



Departamento di Rijbewijs ta cera pa publico. Diabierna 25 Oktober 2019 departamento di rijbewijs lo ta cera pa publico.

Lo habri bek dialuna 28 Oktober 2019 na su orario costumbra.

Tene na cuenta cu e cambio aki.




Minister di Turismo,
Solubridad Publica y Deporte

ta presenta

Hoben Activo

Hoben Feliz





GRATIS

ORARIO
3PM - 4:30 PM
EDAD
8 - 13 AÑA

Sport Centrum San Nicolas

	21 Oct	23 Oct	28 Oct	30 Oct
Ping Pong				
Baseball/Softball	4 Nov	6 Nov	11 Nov	13 Nov
Atletiek	18 Nov	20 Nov	25 Nov	27 Nov
Karate	2 Dec	4 Dec	9 Dec	11 Dec

Pa info contact

Sport Centrum San Nicolas na 584-8903

IBISA ARUBA

Minister Ruiz-Maduro a atende 'Bankiersdiner' cu e Embahador Hulandes na Washington



Minister Ruiz-Maduro a atende tambe e 'Bankiersdiner' cu e Embahador Hulandes na Washington a ofrece pa e delegacion di Reino Hulandes cu tabata presente pa e reunion anual di IMF y Banco Mundial. Tabata un rato ameno den compania di e Embahador Haspels, Ministernan Kaag y Hoekstra di Hulanda, Minister Gijsbertha di Corsou, Ministernan Plenipotenciario Croes di Aruba y Prens di Corsou y demas invitado di e mundo bancario di Hulanda.

Den un setting mas

informal, Minister Ruiz-Maduro a reuni cu sr. Hassanali Mehran kende a yuda funda Aruba su Banco Central y a yuda lanta Aruba Investment Bank. Sr. Mehran a traha pa hopi aña como consehero na IMF y a traha tambe riba un rapport pa Aruba su finanzas publico. Minister Ruiz-Maduro ta gradici nos Minister Plenipotenciario na Washington sra. Jocelin Barosso-Croes pa su asistencia y coordinacion di e trabao durante e Reunionnan Anual di Fondo Monetario Internacional y Banco Mundial.



Minister di Turismo,
Salubridad Publico y Deporte



IBISA
Instituto Bona Saludabel y Activo

ta presenta

Hoben Activo

Hoben Feliz






GRATIS

ORARIO
3PM - 4:30 PM
EDAD
8 - 10 AÑA

YMCA Dakota

	22 Oct	24 Oct	29 Oct	31 Oct
Atletiek				
Ping Pong	5 Nov	7 Nov	12 Nov	14 Nov
Basketball	19 Nov	21 Nov	26 Nov	28 Nov
Karate	3 Dec	5 Dec	10 Dec	12 Dec

 Pa info contact **IBISA na 582-4987 of 584-8903**

 **IBISA ARUBA**

RISHEILA FRANS, MAMA DI EUGENE Y RISHANDROH TA DEN LIBERTAD FOR DI SEPTEMBER CABA

Ayera nos por a scucha cu e mama di e dos criaturanan mata, Eugene y Rashandroh ta liber.

Aña pasa September Corte lo a reduci e castigo existi pa Fiscal, cu e consecuencia cu Risheila Frans ta bek den libertad. Na November 2017 Aruba a wordo conmovi pa e morto cruel di su dos yiunan, Rishandroh (5) y Eugene (3).

Alarma a wordo bati ariba November 22, 2017, ora cu Dokternan a constata cu e mucha homber Rishandroh a wordo severamente maltrata y ta fayece dos dia despues.

Asina a start un investigacion unda cu pueblo completa tabata buscando Eugene di 3 aña, polisnan a haci nan maximo esfuerzo drentando diferente cas cu e speranza di e haye e criatura di tres aña.

Pero ya tabata laat, Eugene di solamente tres aña a wordo dera dia bieu September 27 door di su padrastro Gabriel M.

Risheila Frans a wordo acusa di tabata complice den e maltrato di su yiunan y cu e no a worry pa protehanan. El'a laga Gabriel batinan mata.

E parti aki loke ta indigna y tin pueblo masha rabia mes, ariba Social Media ta hopi hende ta expresa nan disgusto. Mirando cu con por ta posibel pa laga e mama sali asina liher,, door cu Corte mes a rechaza e peticion di Fiscal door di baha e castigo existi.

Y awor Aruba henter mester biba cu e decisionnan aki.

Pa esnan cu no sa, Risheila ta muher liber for di September



27 8:30 di mainta cu tabata un diabierna. Gabriel M e burdugu lo no a keda contento cu esaki y

tabata furioso. Segun e, con por ta posibel cu Risheila a sali y e no.

<div style="display: flex; justify-content: space-between; align-items: center;"> <h2 style="text-align: center;">SUPER SHOPPING SALE</h2> </div>		
<ul style="list-style-type: none"> ~ All clothing for babies, children, men and women (above avg. 10) ~ All shoes for children and adults ~ Curtains for hall, kitchen and bathroom (above avg. 15) ~ All mats for indoor and outdoor ~ All comforter & comforter sets ~ Houseware items ~ All Kitchen items 	<h1 style="font-size: 100px; color: red;">50%</h1> <h2 style="color: red;">Y NO BBO!!</h2>	<ul style="list-style-type: none"> ~ Paña di baby, mucha, hende homber y muhe (pariba di avg. 10,-) ~ Tur sapatu pa mucha y hende grandi ~ Tur Cortina di sala, cushina y baño (pariba di avg. 15) ~ Tur tapijt ~ Tur Comforter ~ Articulo di cas ~ Tur Articulo di cushina
<ul style="list-style-type: none"> ~ All Towels & napkins ~ All Bedsheets ~ Sofa y mattress covers ~ All Car accessories ~ Plasticware ~ Furniture Items ~ Curtain Rods ~ Toys 	<h1 style="font-size: 100px; color: red;">25%</h1> <h2 style="color: red;">Y NO BBO!!</h2>	<ul style="list-style-type: none"> ~ Tur Serbete y napkins ~ Tur paña di cama ~ Sofa y mattress covers ~ Tur Accesorio pa Auto ~ Articulanon di plastic ~ Tur Mueble ~ Palo di Cortina ~ Coi hunga
<ul style="list-style-type: none"> ~ All electronics y appliances ~ All luggage 	<h1 style="font-size: 100px; color: red;">15%</h1>	<ul style="list-style-type: none"> ~ Tur electronico y appliances ~ Tur maleta
<div style="display: flex; justify-content: space-between; align-items: center;"> ADDRESS: OOSTSTRAAT #5, ORANJESTAD FREE PARKING: PARKING GRATIS NET BANDA DI NOS NEGOSHII TEL.: 5822818 </div>		

Remetido

MIKE EMAN A WORDO GOBERNA PA HUNTA DI NARCOTRAFICANTE Y LADRONNAN SIN ESCRUPULO DI TERENO Y PLACA DI PUEBLO

Mike Eman a converti Aruba den un desaster Nacional cu debenan di Biyones di florin, pa criaturanan cu ainda no a nace tin cu bay paga. Ainda tin algun sinberguenza y corrupto den A.V.P. sin cuero di cara, tin e pudor di bin padilanti, pa purba hustifica nan sinberguensería y nan ladroncia di corrupcionnan cu tereno y placa di pueblo. Tur Minister y Parlamentarionan di A.V.P. tur mester bay Prizon. Awe no tin placa pa paga Duaneronan y Maestronan y otro ambtenaarnan, pasobra ta Duaneronan y Maestronan di schoolnan a yuda Mike Eman habra Aruba su finanzas cu debenan di Biyones di Florin cu e protocol di e maldita dialoco-Nacional.

Si awe tur sindicatonan a lanta for di soño tempran, y a protesta cerca Mike Eman y Bermudez nan lo a frena e hortamento di tereno y derochamento placa di pueblo, pero nan tur a consenti y a come bolo y bebe coffie y bati man pa Mike Eman su mal maneho. Mike Eman a laga Aruba manera un galiña sin pluma y morto, cu hasta e weso, pluma y shirishiri nan a come. Sindicatonan mester permiti Aruba pa lanta cabez for di awa di e desaster cu Mike Eman a hinca Aruba aden, cu su debenan di Biyones di Florin. Pa despues weita con pa paga e Pensionadonan prome e placa cu Mike Eman debe nan (Awg, 85,-- desde 2009 te awe), pasobra e pensionadonan ta esnan cu a contribui en grande den Aruba su economia, pasobra e hobennan di awor, te ainda no a contribui cu nada den Aruba su economia. Pensionadonan tin años ta warda ariba locual gobierno di A.V.P. y M.E.P. debenan. Si tin placa pa paga Duaneronan y Maestronan di school pasobra nan a protesta, mester tin placa pa paga tur e pensionadonan prome. E curpa cu ta come gobierno mas placa ta ambtenaarnan, nan tur ta gordo y rebusto cu placa di pagador di belasting, y e servicio mes ta di Guatemala pa Guatepeor. Tur locual cu ta sosode aki na Aruba, ta pasobra nos no tin husticia. Ki mishi Mike Eman y su ministernan ta cana liber ainda, si por a detene Paul Croes pa cosnan di menos importancia, di con no a detene Benny Corupto Zievinger ainda pa ladroncia di siglo cu terenonan, tur minister di A.V.P. mester ta den prizon, pasobra onder onsje hunto cu family and friends y coleganan ta fiks tur cos pa nan den un paar di minuut.

Permitimi ilustra con nan ta fiks tereno entre nan. Den e ultimo eleccion di A.V.P. mi a acerca Otmar Oduber si e por a dresa e pier di Savaneta cu ta keda banda di Brisas del Mar pa e muchanan di Savaneta y Otmar a cumpli. Dos siman despues ta yama mi un bisiña cu

tin un persona ta midi e tereno dilanti di e pier cu Otmar a dresa. Mi a dicidi di yama Otmar na telefoon y a bis'e cu tin hende ta midi e tereno dilanti di e pier cu e a dresa, Otmar a bisa mi pa bay wak kende ta midi e tereno. Mi a bay y a puntra e persona ta cu kende su permiso e ta midi e tereno, el 'a bisa mi cu e persona ta sinta den auto. Mi a acerca e auto y pa mi sorpresa mi a topa cu Desiree Croes y su ruman. Mi a puntra nan si ta nan a laga midi e tereno. Desiree a contestami cu si. Mi a bisa nan cu Otmar Oduber a bisa mi cu e tereno aki ta di Savaneta, cu ningun hende ta hay'e. Desiree Croes a contesta mi, bay puntra Otmar Oduber. Mi a bolbe bay yama Otmar Oduber, y Otmar Oduber a contesta mi, warda un rato mi ta bay cerca Benny Sievinger y mi ta fix e pa Bo, y mi ta yama Bo. Berdad despues di un paar di minuut Otmar Oduber a yama mi, y a bisa mi pa keda trankil cu mi a fix e cu Benny Sievinger, y cu Benny Sievinger lo bay duna Desiree Croes un otro tereno na otro lugar. Segun esnan di Pos chikito cu Desiree Croes a haya un tereno masha grandi mes banda di santana di Sabana Basora y a laga ros'e pa bende. Diripiente a lanta for di den su caha di morto den mortuario A.V.P, Robert Candelaria cu su bela paga cu no ta weita tur e corrupcionnan y ladroncia di tereno di A.V.P Bo ta ciego of Bo ta consentido di mal maneho ???, Semper mi a kere cu Bo ta un persona integro, pero Bo a resulta di ta un persona corumpi mescos cu bo coleganan. Awe Bo ta biba na Aruba, pa motibo Mike Eman a cumpra Bo y bo Señora cu placa di pueblo. Tur fraude cu placa di pueblo y tur corrupcion di tereno mester wordo investiga y castiga. Bende tereno di pueblo bao man ta significa horta placa di pueblo, ta un sinberguenza y

sin gevoel so por haci esey. Pueblo di Aruba ta exigui pa Ministerio Publico, nos P.G suplente Mr Deutekom y otro Fiscalnan pa cuminsa na cera e Avestruznan ladron di tereno y plaka di pueblo, mescos cu por sera e homber chikito cu a horta un bleki di soseishi, cera e ministernan y parlamentarionan avestruz ladron corruptonan y Narco complacientenan amigo di Pollo Carvajal, Kiko Gomez, Pablo Escobar, cu Duaneronan mester a yuda proteha, Von Galera (2 kg di heroína laga liber pa Minister di AVP) Spartaco Ghini, Roberto Rincon amigo intimo di MIKE Eman & MIKE de Meza, tur e mafiosonan aki, bendedornan di droga y labadornan di placa tabata ta y ta te awe amigonan grandi di e hunta di e mafiosonan y ladronnan corruptonan di A.V.P. Nan tur ta S.O.S

BERDAD NUNCA A PERHUDICA NINGUN PERSONA Y NINGUN NACION.

Hiacintha Thijsen Trimon
Savaneta 210-A
Tel 584-7280

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500



RADIO ARUBA
91.5 FM
E VOZ DI PUEBLO

Ministerv Otmar Oduber:

Segundo fase di construcccion di Carnival Village a tuma lugar cu entrega di e prome yabi di kiosko



Diahuebs a realiza entrega di e segundo fase di e proyecto di Carnival and Entertainment Village. Cu ta encera un total di seis kiosko kiosko (tres ambos banda) y un baño. Minister Otmar Oduber conhuntamente cu Minister Chris Romero, Director di DOW, Director di DIP, Parlamentario Alan Howell, Contratista Freman y San Nicolas Businnes Association, tabata entre esnan presenta na e momento di e entrega.

Proyecto
E proyecto a iniciadunando e nomber di Carnival and Entertainment Village, pareu cu su muraya di honor na esnan cu durante añanan a sa di gana Caiso y Soca. Ademas pa e prome fase a construi dos ticket booth tambe. Despues cu e temporada di Carnaval a termina por a mira di biaha trabaonan a sigui riba e di dos fase

di e proyecto cu ta encera seis kiosko y un facilidad di baño amplio. E fase aki a conta cu inversion di 1.2 milyon florin. Ta importante pa menciona cu e chauffeurnan di autobus y usarionan awor tambe ta conta cu facilidad di baño y sitio pa por sinta refresca, un peticion cu nan tabata tin. Pronto cada un di e kioskonan lo ta habri pa siribi henter comunidad y tambe bishitantenan. Banda di cu a entrega e di dos fase di e proyecto, tambe a haci entrega simbolicamente di e yabi di e prome kiosko na sra. Patricia Baptist. Un persona conoci den e comunidad pariba pa su dushi cumindanan!

Concluyendo Minister Oduber a duna gradicimento na DOW pa e proyecto y na contratista Freman pa realizacion di e proyecto. Sigur tambe na SNBA cu na diferente



ocasion a papia cu nan conhuntamente cu muestra di e compromiso riba diferente plan pa diferente otro proyecto cu Gobierno tin cu San Nicolas, pendiente pa inicia, ta

NOCHI DI PELICULA TA CONTINUA NA PARKE ARIKOK



Oranjestad, Aruba – Diasabra 26 di october Fundacion Parke Nacional Aruba (FPNA) ta invita comunidad di Aruba pa presencia su Nochi di Pelicula den aire liber na Parke Arikok.

FPNA ta organisa su Nochi di Pelicula pa concientisa y educa e comunidad di Aruba riba diferente topico global relaciona cu nos naturalesa. Diasabra 26 di october pa 7.30 PM lo pasa e prome dos episodio di e documentario "One Strange Rock" di National Geographic caminda diferente astronaut ta duna nan perspectiva di mundo y ta wordo presenta pa e actor Will Smith.

E prome episodio ta relaciona cu oxigeno, experto lo elabora riba oxigeno na mundo y tambe den espacio. E di dos episodio ta relaciona cu un explosion cosmico cu a yuda crea e mundo. FPNA ta extende un invitacion na e comunidad di Aruba pa asisti na e Nochi di Pelicula na nos Centro di Bishitante y asina aprecia nos naturalesa y sinti inspira pa yuda na conserva esaki. E Nochi di Pelicula ta completamente gratis cu posibilidad pa cumpra algo di come y di bebe. Pa mas informacion por yama na 585 1234 of bishita nos pagina di facebook; <https://www.facebook.com/arikoknationalpark>.

Pay.aw un aplicacion innovativo pa Aruba



Den e era digital, celular ta birando e aparato number un pa tur cos, di chat cu amigonan pa wak television te pa hasi pago. E bentaha ta cu tin tur cos den un solo lugar. Den e-commerce y m-commerce na Aruba e posibilidadnan pa hasi pago digital na florin ta limita, pero awor esaki ta bai bira hopi mas facil.

Rond mundo tin diferente metodonan di pago digital via bo celular uzando e-wallets. SETAR y Aruba Bank como support partner y companianan innovativo kier a contribui y yuda trece un sistema di pago digital via celular.

Pay.aw ta un plataforma all-inclusive caminda e usuario por medio di e aplicacion por hasi pago via un wallet digital, tur esaki den "real-time". Ademá, Pay.aw tin un aplicacion special pa e vendor caminda ta brinda negoshinan un instrumento pa mehora nan servicio pa nan clientela y e oportunidad pa haya mas cliente nobo como tambe hasi nan operacionnan mas eficiente.

Meta di Pay.aw ta pa brinda e comunidad di Aruba un manera mas facil pa hasi pago instantaneo, compra y benta di producto sin nodo di tin placa cash y cu e facilidad pa scohe entre pick-up of delivery te na porta di bo cas. Den e mundo aki, "convenience is King"!

Manera menciona anteriormente, Aruba Bank ta e support partner pa e lansamento di e aplicacion di Pay.aw. Clientenan di SETAR cu tin un cuenta di banco na Aruba Bank por link esaki na e aplicacion y pasa placa di nan cuenta di banco pa nan wallet digital y di eyan haci uzo di e servicio.

Pa mas informacion di Pay.aw bishita e website www.pay.aw of e pagina di Facebook di Pay.aw.

26
OCT

Top 95

95.1 FM

Mas Cayente cu Solo

FREE

TUR DIASABRA

BINGO

glitz

casino

CANAL 22

1 MINUTE TO CALL
TO CLAIM
FREE BINGO

Breast cancer awareness month

PROGRESSIVE
INCREASES
WEEKLYWIN THE PROGRESSIVE BINGO WITHIN 50 CALLS
THIS WEEK **1.900 AWG**

51 CALLS WINS AWG. 350,00

52 CALLS WINS AWG. 250,00

53 CALLS WINS AWG. 175,00

TRANSMISION
STARTS AT 10 AM
FREE BINGO AT
11 AMCOLLECT YOUR
PRIZE AT
GLITZ CASINO
MarLis
Fashion Center

ILDO'S
Lottery

Professional
Pest Control

WITHIN
SLEEP COMFORT
Mattress & Foam
Company N.V.

INVITACION PA E APARICION DI MAMA MARIA

25 OKTOBER 2019

Grupo di oracion Catolico The Voice of Jesus ta invita henter pueblo di Aruba pa e aparicion di Mama Maria diabierna awor 25 Oktober 2019 na Koyari.

Pa 8.00 di anochi nos lo bai tin e Santo Rosario prome y durante e Santo Rosario, Mama Maria ta aparece. E mesun anochi aki nos

lo bai scucha e mensahe di Mama Maria. Pesey laga nos tur bini hunto pa nos por ricibi e bendicion y e gracia di Mama Maria y pa nos por

trece mas tanto hende cu ta posibel, especialmente enfermonan. Laga nos duna Mama Maria, La Birgen di Gracia di Aruba, e amor y e honor

cu Mama Maria merece, demostrando nos presencia na Koyari. Tur hende ta cordialmente invita pa asisti sin falta na e gran anochi aki.

"WORLD POLIO DAY" UN DIA DI CONCIENTISACION PA E INICIATIVA DI ROTARY INTERNATIONAL PA PONE FIN NA E MALESA DI POLIO ROND MUNDO



Diahuebs, 24 oktober 2019 – Ariba “World Polio Day” Rotary Club Aruba tambe a forma parti di e causa di Rotary International. “World Polio Day” tin como meta pa aumen-

ta conocimiento, fondo y sosten pa pone un fin na e malesa di polio na mundo, cu por wordo trata door di un vacuna. Casi 30 aña pasa Rotary International hunto cu otro

partners a lansa e iniciativa “Global Polio Eradication”. Na aña 2007 Bill & Melinda Gates Foundation a join Rotary den e compromiso pa eradica

polio na mundo. Desde inicio di e iniciativa aki e caso nan di polio a baha cu 99.9 por ciento. Te cu awe Rotary International a contribui cu mas di \$1.9 biyon i ora nan di boluntario nan pa asina proteha mas di 2.5 biyon di mucha den 122 paisnan. Aunke cu na Aruba nos no conoce caso mas di polio, door di e vacuna cu tur baby ta ricibi via Stichting Wit Gele Kruis, Rotary Club Aruba, formando parti di un organisacion

internacional, kier a concientisa pueblo di Aruba tocante e malesa di polio. Ademas Rotary Club Aruba a compromete su mes na duna fondo anualmente na e causa aki di Rotary International. Awe, polio ta existi na Afghanistan, Nigeria i Pakistan. Pero ta crucial pa sigui cu e causa aki den tur otro paisnan. Si stop cu e iniciativanan aki, dentro di 10 aña polio lo por paralisa mas di 200.000 mucha pa aña.



Tipline: 585 9500

e-mial: solodipueblo@gmail.com



WASTE HANDLING CLEANING SERVICES

10FT



20FT



30FT



PRIJS DI BAKI:
\$150-175-200-250

*PRIJS TA DEPENDE DI KI TIPO DI SUSHI

YAMANOS NA:
560 3500 OF 563 4201



Campeon Paralimpico Marieke Vervoort ta fayece despues di ricibi eutanasia

E atleta Belga Marieke Vervoort, campeon di atletismo den e Weganan Paralimpico di London 2012 (oro de 100m y plata den 200m), a fayece diamars anochi na edad di 40 aña, tras di ricibi eutanasia, gemeente di su ciudad natal a confirma den un comunicado. Vervoort a sufri di un enfermedad muscular degenerativa incurabel cu a paralisa e mita inferior di su curpa, tabata haya steipi y dolornan severo permanente, cu hasta no

a permiti'e drumi. Despues di su participacion den e Weganan Olimpico di Rio de Janeiro 2016, unda cu el a ricibi dos medaya (plata den e prueba di 400m y brons den 100m), e deportista a expresa publicamente e deseo di caba cu su bida debi na e sufrimento constante. Eutanasia ta legal na Belgica y ya na 2008 Vervoort a firma e documentonan cu lo a permiti dokter yud'e fayece.





SOLO
BRIYANDO FUERTE • TRECIENDO CLARIDAD *Di Pueblo*


Tipline: 585 9500

e-mial: solodipueblo@gmail.com

BBQ

DI NESTOR.

Siribana 45a na "Sta Cruz"



7497071 OF 5690131

cuminsa: 1 Okt 2019



E Fiesta di Fin di aña

Tur Mainta
Dialuna - Diabierna
4:30am - 6:30 am

Atravez di TOP FM 95.1

Tur Diasabra di 5:00 pm - 7:00 pm
Dielomingo di 11:00 am - 2:00 pm



Cft: “Mas atencion pa realisacion di e propositonan di maneho”

Kralendijk – Colegio di supervision financiero di Boneiro, Sint Eustatius y Saba (Cft) ta pidi Colegio Ehecutivo y Consejo Insular di Boneiro pa presta atencion na realisacion di e propositonan di maneho presupuesta. E di dos reportahe di ehecucion ta muestra un descenso bou di e limite di e gastonan di personal, mientras cu fortalecimiento di e cuadro di empleado publico ta punta di lansa di Boneiro pa basta tempo caba. Cft a bishita Boneiro dia 22 di october y a tene combersacion cu, entre otro, e miembronan di Colegio Ehecutivo y di Consejo Insular.

Presupuesto di 2018 y 2019
Dia 25 di juni Consejo Insular a aproba e cuenta anual di Boneiro pa 2018. A cera e aña ey cu un resultado positivo di 12,7 miyon dollar. Di e surplus aki Consejo Insular a destina 7,1 miyon dollar pa, entre otro, infraestructura y trabounan di mantenimiento.

E di dos reportahe trimestral di 2019 ta muestra te y cu juni 2019 un saldo positivo di 11,2 miyon dollar. Cft ta pidi Colegio Ehecutivo pa realisa su propositonan di maneho diligentemente, pa evita cu ta cera aña 2019 tambe cu un surplus. Cft tambe a pidi Colegio Ehecutivo

un biaha mas pa presupuesta e entradanan fiscal y e gastonan di personal di manera mas realistico. E ultimo añanan a calcula e gastonan di personal mucho halto y e entradanan fiscal mucho abou.

Ehecucion di e Acuerdo Administrativo

E Acuerdo Administrativo, cera entre Boneiro y Hulanda na november 2018, ta den ehecucion for di april di e aña aki. A presenta e di dos reportahe di progreso cuminsamento di october. Di esaki por deduci cu a cuminsa cu fortificacion di e capacidad di ehecucion. Sinembargo, mester libra mas bataya riba e tereno aki. Pa tal motibo, Seccion di Personal y Organizacion (P&O) for di luna di mei ta haciendo un analisis di e datonan di personal. A base di e resultadonan di e investigacion aki lo elabora un plan di mehoramento. Cft ta warda e plan aki cu masha interes.

Ciclo di presupuesto y su hustificacion
Cft ta constata mehoramento den varios aspecto. Asina, por ehempel, e ciclo di presupuesto y su hustificacion ta cana segun planificacion. Dia 7 di augustus a entrega e proyecto di presupuesto di e aña presupuestario 2020 cerca Cft pa duna



su consejo y dia 2 di september a present'e na Consejo Insular, teniendo cuenta cu e consejo di Cft.

Tambe a progresa un poco cu yenamento di personal den e Huntanan di Comisario di e entidadnan gubernamental. Na Water en Energiebedrijf Bonaire (WEB) y Bonaire International Airport (BIA) entretanto e Huntanan di Comisario ta completo. Colegio Ehecutivo ta trahando actualmente riba yenamento di personal den e Hunta di Comisario di Oil Trading Bonaire (OTB). Entregamento na tempo di e cuentanan anual di e entidadnan gubernamental ainda ta rekeri hopi atencion si.

cion si.

Maneho financiero
Colegio ta pidi atencion constante di Colegio Ehecutivo y Consejo Insular pa e maneho financiero, cual te ainda no ta na ordo. Esaki ta sali na cla, entre otro, di e declaracion di abstencion di aprobacion di e accountant pa e cuenta anual di 2018, a base di e foutnan y incertidumbrenan constata. Si no bin cu me-

horamento, esaki lo por obstaculisa hayamento di un declaracion aprobatorio di accountant pa e cuenta anual di 2021.

Na september a presenta e plan di mehoramento di e maneho financiero 2.0 na Colegio Ehecutivo. Parcialmente a incorpora e subproyectonan habri, procedente di e plan di mehoramento 1.0, den e plan di mehoramento 2.0. Cft lo monitorea

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

WASTE HANDLING CLEANING SERVICES


SCEPTIC TANK (7 CUBE)

PRIJS SPECIAL
AWG 75,-



YAMANOS NA:
560 3500 OF 563 4201

ELITE PRODUCTIONS ARUBA A ORGANISA UN EVENTO FABULOSO PA SU INVITADONAN



Recientemente e compaña di produccion audiovisual Elite Productions a transforma nan oficina y deposito den un localidad di evento mahestral. Tanto parti pafo y tambe paden a wordo transforma pa asina jama bon bini na e diferente clientenan y relacionan di trabou. E compaña ta existi pa 12 aña caba y cada tanto aña ta organisa un evento pa asina duna danki. Recientemente e compaña a muda tambe pa nan localidad nobo cu ta uno ultra moderno y espacio. Pa e motibo aki den diferente grupo e invitadonan por a pasa paden y haya

un tour di nan oficina y deposito. Aki miembronan di ekipo a splica un tiki riba e historia pero tambe riba e diferente servicicionan cu e compaña ta brinda. Parti pafor Elite a duna demostracion di diferente servicio manera efectonan di luz, huma, candela, video mapping, bubble machines y sparklers. E hit di e anochi tabata e 360 Photobooth. For di ora cu e evento a cuminsa te ora cu e la caba hendenan tabata para den rij pa asina haya un beurt pa por traha un video c uta grababo 360

grado y despues den algun seconde bo ta haye den bo email. Naturalmente entretenimento no tabata hasi falta unda cu 'The Band' cual ta un banda nobo completamente varia a habri e anochi. Despues a sigi cu Party Dude Jason (DJ) y pa asina finalisa cu Buleria. CEO di Elite Productions & Entertainment Aruba Mr. Krish Mahtani tambe a hiba palabra pa asina gradici tur presente pa nan sosten continuo pa e compaña cu a sa di crece cada anja. E evento tabata posibel den colaboracion cu Aru-



ba Trading Company, Romar Trading, Brouwerij Balashi, Divino, Excelen-

cia Catering y Perfect Team.



Futbol Colombiano ta anuncia paro di actividad pa haya miho condicionnan laboral

E Asociacion Colombiano di Futbolistanan Profesional (Acolfutpro), a traves di un comunicado, a anuncia dia 22 di october ultimo cu e futbolistanan profesional asocia na e entidad aki y vincula cu e 36 clubnan Colombiano, a dicidi declara paro di e actividadnan, en busca di mehoracion laboral.

E organizacion a especifica cu e decision di cuminsa cu e welga ta debi na "incumplimento di e Federacion Colombiano di Futbol y di e Division Mayor di Futbol Colombiano pa inicia un negociacion y aborda e peticionnan presenta dia 11 di september."

Esaki ta abarca e aumento di salario di e futbolistanan, cambio na e codigo disciplinario, miho condicion pa e torneo di futbol femenino, como tambe participacion riba derechonan di television, entre otro.

E paro di actividadnan lo wordo realisa "entrante e

fecha di 20 di Liga Aguila y di e di tres fecha di cuadrangulanan di e Torneo Aguila (3 di november di 2019)."

Den cuadro di e medidanan anuncia "futbolistanan no lo presenta na disputa e partidonan cu ta programa e (liga profesional) Dimayor entrante di e fecha aki y te e momento ey no ta inicia e negociacion di su peticionnan cu Acolfutpro," segun e comando. Na e mesun momento, e organizacion ta indica cu e deportistanan ta sigui cu na horario habitual di entrenamiento, estableci pa e respectivo clubnan.

"Cualquier presion indebido cu ta eherce riba nos asociadonan como consecuencia di su determinacion lo wordo poni na conocimiento di autoridadnan competente pa proteha nan derechonan," nan a adverti desde Acolfutpro.

Antecedente

E anuncio a tuma luga un



dia despues cu Dimayor y e Federacion Colombiano di Futbol dicidi di no manda nan representantenan na un encuentro cu e gremionan, convoc apa e viceminister di Trabao, Carlos Baena, kende a ofrece su mediacion den e controversia aki ante notificacionnan di parti di Acolfutpro siman pasa riba un posibel paro di actividadnan.

Di acuerdo cu AP, e presi-

dente di Dimayor, Jorge Enrique Velez, a rechasa di participa den e reunion, door di indica cu e no ta reconoce Acolfutpro den calidad di representante di e futbolistanan, tampoco como posibel interlocutor.

"No ta posibel pa nos asisti na e espacio cita pa boso," Velez a skirbi añadiendo cu Dimayor ta analisando "e competencia di e entidad pa interactua cu e aso-

ciacion aki."

E presidente di e Federacion Colombiano di Futbol, Ramon Jeserun, tampoco ta reconoce Acolfutpro como interlocutor den e asunto aki.

Di acuerdo cu e partinan aki, e futbolistanan Colombiano lo mester expone nan peticionnan na dirigentenan di su respectivo clubnan.

River Plate ta pasa pa e final di Copa Libertadores tras di supera Boca Juniors

River Plate a clasifica pa e final di Copa Libertadores di CONMEBOL diamars, door di supera Boca Juniors den e semifinalnan cu e scor 1-2.

Apesar cu e partido disputa anochi den La Bombonera, Boca a impone cu 1-0, cu gol di Jan Hurtado den minuut 80, e marcador global di e eliminatorio tabata 1-2 pa River, pa cual El Millonario lo



disputa un biaha mas den e final, en espera di e vencedor di e wega entre Flamengo y Gremio

di brasil, cual partido di buelta lo wordo disputa diaranson.

WEGA GRANDI NA 99 BAR & RESTAURANT!

Calabas/Kudawecha - Shonnan diasabra awo na e mundialmente conosi Domino Square Garden na Calabas, esta 99 Bar & Restaurant, ta bay tin un sambombaso di wega! Marca den boso agenda! Diasabra 26 di oktober, cuminsando pa 8'or di anochi, e terror den domino, e team cu tin hopi otro ekipo ta haya mal soño estilo Halloween, nada menos cu Trma Biba Lekker, lo enfrenta nada menos cu e barancanan corra di Team Red Stone! Biba Lekker e anja aki ta the team to beat! Red Stone por ta e team cu porfin lo pasa e sugar tax pa e lekkerbeknan di Biba Lekker?

Yega shonnan, yegaaaa diasabra awo 26 di oktober pa 8'or di anochi na 99 Bar & Restaurant na Calabas/Kudawecha!!



7 alimento cu por mehora bo beis

E alimentonan cu bo ta come no solamente ta determina con bo ta zit eruit, sino cu tambe ta influi bo pensamento, emocion y accionnan.

Hopi ta e alimentonan cu por desahusta bo sistema nervioso, treciendo como consecuencia mal beis, cansancio, ansiedad y depresion.

Purba e siguiente alimentonan cu por mehora bo humor. P'esey, si bo a nota cu semper bo ta di mal humor of bo ta sinti un disgusto.

Ta un opcion massaludabel, economico y simpel na luga di usa remedi. Solamente tene na cuenta cu si bo emocionnan no ta stabilisa, ta un bon idea pa bishita un psicologo.

Algun biaha e problemanan cu no tin di haber cu loke nos ta come, sino cu e hendenan cu ta rond di nos y e situacionnan cu nos ta biba aden.

1. Cacao of chuculati puro
E prome di e alimentonan cu ta mehora bo humor, ta cacao. E tin un efecto estimulante di felicidad, debi na e teobromina. E kimico aki ta yuda na:

- Aumenta e nivelnan di serotonina y dopamina den e organismo
- Ta relaha e sistema nervioso
- Ta disminui e estadonan di ansiedad y depresion

Cacao tambe ta contene triptofano, un kimico cu ta fomenta e liberacion di serotonina. Pa tur su beneficienan, nos ta recomendabo come un pida repi di chuculati puro of cacao pa dia, pa asina mehora e estadonan di depresion y ansiedad.

Lo unico cu bo mester vigila ta cu e chuculati scogi, ta di un contenido halto di cacao. Idealmente e mester ta riba 65%.



2. Noot of nechi

E di dos di e alimentonan cu ta mehora bo beis ta noot of nechi. E ta aporta na e organismo acidonan graso omega 3, cu esaki no ta produci door di su mes. Ora cu bo curpa no obtene suficiente omega 3, e por drenta den estadonan depresivo. Nootnan tambe ta contene triptofano, di cual ya nos a menciona caba.

- Nos ta recomenda consumi 5 noot pa dia pa asina mantene un beis mas stabil.
- Corda cu bo por añadi nan na bo batidonan, na bo desertnan of simplemente come nan como colacion.

3. Bacoba

Bacoba ta otro di e alimentonan cu ta mehora bo beis y cu bo tin cu inclui den bo dieta diario of por lo menos dos biaha pa siman.

Su beneficio na bo emocionnan ta debe na e contenido halto di vitamina B6. Esaki ta interveni den e proceso di transformacion di e compuestonan proteicos di serotonina.

Ademas, door cu e ta contene acido folico, vitamina C y fibra vegetal, e ta mehora bo defensanan.

4. Simiya di sesamo

E simiyanan aki ta un di e alimentonan cu ta mehora



bo beis pasobra e ta aporta na treonina.

Esaki ta un aminoacido esencial cu e organismo no por produci y sintetisa di su mes di forma natural. Ora cu tin nivelnan abao di treonina, bo por experiment tristesa cronico.

- Pa obtene e nutriente aki, nos ta recomendabo inclui un telep di simiya di sesamo den bo saladanan of usa su azeta como parti di bo platonan.

5. Salmao y otro pisca

Otro di e alimentonan cu ta mehora bo beis pasobra nan ta rico den acidonan graso omega 3, ta salmao, tuna of sardin.

Esakinan ta incidi directamente den e eficiencia di e movimiento di algun neurotransmisor, cual deficiencia por provoca estadonan depresivo.

- Ta recomendabel

inlui por lo menos un porcion di e piscanan aki na bo dieta semanal.

- Si ta posibel, inclui nan tres biaha pa siman compana pa berdura. Sigura cu e pisca cu bo cumpra ta di bon calidad y liber di contaminante. Esaki ta specialmente importante cu salmao, ya cu algun specimen obteni di criaderonan ta alimenta cu kimico cu por afecta bo

un revision di glucose pa determina si esey ta e problema.

7. Carni cora magro

E ultim di e alimentonan cu ta mehora bo beis ta carni magro. Esakinan ta rico den acido linoleico, un vet natural cu ta yuda combati stress y e acumulacion di vet den curpa.

E carninan aki tambe ta aporta na hero y omega 3 cu ta yuda mehora e salud celebral.

- Ademas, ta hopi recomendabel cu ora di cushina e carninan, haci'e cu e menor cantidad di salo y vet posibel. Asina, nos lo ta consumiendo e producto sin cosnan añadi y nos lo evita otro problemanan asocia. Manera por ehempel hipertension of aumento di peso.

Un batido pa mehora bo beis

Un opcion simpel di inclui e alimentonan cu ta mehora bo beis, ta atraves di baticonan. Lo unico cu bo mester vigila, ta pa e no excede cu e cantidad ya cu ta hopi simpel pa experimenta cu pieknan di glucose.

Purba cu e opcion aki, lo bo descubri cu e ta dushi y hopi simpel.

Prueba con esta opción, descubrirás que es deliciosa y muy sencilla.

Ingrediente

- 1 cup di lechi sin vet (250 ml)
- 1/2 bacoba
- 5 noot
- 1 telep di cacao of un pida chuculati marga (5 g)

Preparacion

- Pone tur e ingredientenan aki den un blender y mesclan te ora cu obtene un mescla homogeno y bebe di inmediato.

humor.

Si bo ta opta pa consumi tuna, percura pa eligi e opcionnan den pidanan natural. Aunke e ta hopi economico come tuna di bleki, esaki ta contene nivelnan halto di salo y di BPA, tambe conoci como bisfenol.

6. Alimentonan rico den fibra

Alimentonan rico den fibra soluble ta yudabo na cambia e estado di animo ora cu esaki ta debe na e alteracionnan den bo nivelnan di suco den sanger.

Si bo ta diabetico, controla bo nivelnan corespondiente. Corda cu e glucose eleva no solamente ta afecta e funcionamiento di bo organonan interno: tambe lo ponebo experimenta diverso emocionnan negativo den cuestion di minuut.

Ora cu bo ta sinti cu esaki ta sosodiendo, realiza

Expertonan uni y cuminsa busca solucion: Imagina si ta un bus a cay for di e brug di Green Corridor

Pos Chikito - Diabierna 18 di oktober ultimo, Aruba completo a wordo sorprendi anochi pa un noticia cu nos sa mira pasa solamente na otro partinan di Mundo. Nunca nos a pensa di mira algo asina. Tawata diabierna anochi den careda di 11'or cu informacionnan a cuminsa dreña di algo cu nos no por a imagina y of realisa e momento ey. Dos auto a cay for di e brug nobo di Green Corridor.

Manera nos a trece caba den e noticianan anterior, milagrosamente ningun persona a perde nan bida mirando e haltura cu nan a cay for di dje. Esaki a sosode na momento cu un Altezza no a regula su velocidad na tempo y ta dal tras di un Nissan Tiida pushando esaki contra e Vangrails, cu lo mester a wanta e auto, pero esaki a kibra y cu consecuencia cu ambos auto a bay cay for di mas cu 10 meter di halto. Un total di 5 persona a wordo transporta pa Hospital, entrenan un criatura(mucha muhe).

Pa su diasabra mainta ambos vehiculo a wordo saca y treci ariba. E caminda for di e rotonde di Pos Chikito a wordo cera pa asina trabounan di pone Vangrails nobo por a cuminsa, debi cu tawata peligroso, pa e parti caminda aki keda cu vangrails kibra y parcialmente sin vangrails.

Calidad di Vangrails

Despues di e accidente mesora por a scucha varios persona ta cuestionando dicon e vangrails no a wanta e autonan. Diasabra mainta por a mira un team armando vangrails nobo na e sitio unda e accident a tuma lugar, na e calidad di stal bo tawata mira e dife-

rencia. Algo cu a hala nos atencion tawata cu esaki a wordo haci na man, o sea cu te unda nos por a mira no a usa niun machine pa sigura nan den tera, tambe di cerca por a mira cu e schroefnan y demas material tur a wordo haci manualmente.

Ariba un di e imagen por mira un di trahado cu loke ta parse un pata di cabra cobando un buraco pa hinka e patanan di e vangrails den tera. Indicando cu un gran parti di e trabou a wordo haci manual y mirando e velocidad cu e autonan ta core riba e caminda aki, e vangrailsnan aki poni manualmente sigur no por ta adecuado pa e pida caminda prome cu e cuminsamento di e brug. E vangrailsnan aki lo por tawata bon, si tawata tin djes mondi su tras y no un cuminsamento di un brug cu un profundidad di mas cu 10 meter.

Segun normanan Europeo, vangrailsnan ta suppose di por wanta Truck y tur otro auto.

Claro un muraya di beton lo ta ideal pa truck, pero pa un auto di famia esaki sigur por ta fatal, pa motibo cu elo por pone e auto bolter.

Pa un Brommer, vangrails ta forma un peliger mas grandi ainda, debi cu e patanan hinka den e tera sin papia di e otro partinan por fungi manera cuchiu pa e motociclista na momento cu e haye envolvi den un accidente.

Hopi placa a wordo usa pa construi Green Corridor, pa a traha e brug cu sigur a keda hopi bunita, pero kizas no a pone tino riba cierto detayenan, areanan cu mester a haya extra atencion pa seguridad den trafico, cu lo por a evita manera loke a pasa diabierna ultimo. Vangrails, e palabra ta bisa pa su mes,



nan ta rails pa wanta of gara, e autonan, pa evita nan pasa bay.

Nos no ta kere cu kizas lo bin mucho cambio eybanda(area di e brug) pa loke ta e infraestructura. Loke si por of lo mester haci ta pone borchinan riba un distancia hopi mas prome cu e brug, avisando cu e caminda ta manera un bocht y cu e ta peligroso, pa asina e chauffeurnan regula nan velocidad na tempo y pone extra atencion riba e caminda evitando asina mas accident. Ta ora pa tanto Architect-

nan y Ingenieronan sinta na mesa y busca un solucion ariba corto plaso, prome cu e baca hoga y hendenan perde nan bida. Diabierna 18 di Oktober tawata dos auto di famia y 5 persona herida, milagrosamente e no tabata un accidente fatal, mirando den ki estado e Tiida a keda. Si tawata un Bus a perde control eynan awo, kiko e ora, e vangrails cu no ta sirbi pa e ara aki, sigur cu no por a ni wanta un auto di famia, sigur no lo wanta un bus of truck.

Lo ta bon pa e parti na

cuminsamento di e brug haci manera den exteriornan, nan ta pone dobbel vangrails y bols nan den beton, asina evita cu e ta kibra facilmente, of pone e railsnan geel di hero manera tin riba e brug. Mas sigur e Ingenieronan y architectnan lo por sa kiko ta miho pa haci cu e caminda aki, pa asina e bira mas sigur y pa evita cu mas auto lo por cay for di e haltura aki. Pueblo tin e derecho di por sinti'e sigur momento cu e subi nos carteranan.



"Checo" Perez ta desea e miho distribucion di presupuesto den F1

Sergio "Checo" Perez a pidi diaranson un reparacion mas ekitativo di e presupuesto pa e 10 ekiponan di Formula Uno cu e finalidad pa tur e pilotonan tin e mesun oportunidadnan di destaca. E piloto Mexicano, cu a dibuta den F1 den 2011 cu e escuderia Sauber, ta e unico Latinoamericano cu ta competi actualmente den e circuito. "Tin hopi diferencia di presupuesto y ta impo-

sibel competi ora cu tin menos di e mita di e presupuesto di e ekiponan grandi. Nos ta spera cu esey logra pa otro aña (miho reparacion)," Perez a bisa den un rueda di prensa. "Mester duna e oportunidad pa tur e pilotonan," el a agrega. E escuderia Mercedes cu e Ingles Lewis Hamilton y e Finlandes Valtteri Bottas, Ferrari cu e Aleman Sebastian Vettel y Red Bull

Racing cu e Hulandes Max Verstappen a domina e circuito den e ultimo añanan debi na e gran presupuesto cu cual nan ta conta cun'e. "E temporada aki tabata di spera cu lo a bay ta complica, lo frustrante tabata cu nos no tabata tin e miho desaroyo a lo largo di e aña. E expectativanan ta halto y aunke nos no ta unda nos mester ta, nos ta super optimista y nos

mester ta e ekipo cu mas avance pa e proximo aña," e piloto di Racing Point a apunta. E Mexicano di 28 aña, cu ta ubica den e di 11 lugadi e campeonato di polito, ta spera pa duna un bon careda diadomingo na cas, ora cu realisa e Gran Premio di Mexico apesar di e presion cu por sinti ante su publico. "Sin duda mi tin mas presion, pero ta p'ami mes, pasobra mi kier un fin di



siman perfecto. Pero mi ta conciente cu como piloto tin cosnan cu bo no por controla y ohala nos por mehora e di shete lugadi 2017," Perez a apunta.

China lo ta sede di e Mundial nobo di Club amplia na 2021

China lo organisa e prome edicion di e Mundial nobo di Club amplia na 24 ekipo na 2021, e presidente di FIFA, Gianni Infantino a anuncia diahuebs, despues di un reunion di e consejo di e organismo mundial di futbol na Shanghai. Infantino a bisa cu e competencia lo tuma lugaden juni-juli di e aña ey y cu e formato, e asignacion di cupo y e criterionan pa selecciona e ekiponan lo dicidi den e proximo simannan. E dirigente no a duna detaye exacto di e cuponan, pero a bisa cu lo tin ocho ekipo di Europa. Tambe ta spera cu e competencia conta u cinco of seis ekipo di Suramerica, uno di Oceania, uno di e nacion anfitrión China y tres di e otro confederacionnan continental. Infantino a anuncia tambe cu e anfitriónnan di e Mundial 2030 lo wordo eligi na 2024, aunke el a aclarea cu e consejo no a discuti e posibilidad di permiti cu e paisnan Asiatico postula, algo cu lo

a rekeri un cambio den e reglanan di FIFA riba e rotacion di e sedenan di e compatencia. "E ta un decision historico pa futbol," Infantino a bisa riba e eleccion di China pa e campeonato nobo y a agrega cu no tabata tin otro candidato. "E (torneo) nobo lo ta un competencia cu cualkier persona cu stima futbol spera cu ansha, E ta e prome Copa Mundial (di Club) real y berdadero den cual e miho clubnan lo competi," el a agrega. Infantino a bisa cu e torneo nobo lo tin un "gran impacto" financiero. "E lo permiti nos genera ingresosonan importante, pero mi kier subraya esaki, hopi, hopi cla (...) FIFA no lo haya nada di esaki pasobra nos lo reinverti den futbol," el a bisa. E torneo a enfrenta un oposicion fuerte di e clubnan Europeo cu ta bisa cu no lo bay tin espacio den e calender internacional actual. E Mundial di Club actualmente ta consisti di shete ekipo y lo tuma lugacada

december. Qatar lo organisa e dos ultimo edicionnan, incluyendo esun di e aña aki. Infantino a bisa cu e proceso di candidatura pa organisa Mundial 2030 lo wordo lansa na 2022 y e voto decisivo den Congreso di FIFA lo tuma lugados aña despues. Argentina, Uruguay, Chile y Paraguay a anuncia un candidatura conhunto cu tin un balor sentimental, ya cu Uruguay tabata sede di e Copa Mundial inaugural na 1930. E cuater federacionnan Britanico ta contemplando un candidatura conhunto hunto cu Irlanda mientras cu Bulgaria, Serbia, Grecia y Rumania tambe ta planeando presenta hunto, mescos cu Spaña y Portugal. E paisnan Asiatico ta actualmente descarta, pasobra Qatar lo organisa e Mundial 2022 y e regulacionnan actual ta impedi cu e mesun continente ta sede di cualkier di e dos torneonan posterior. "Nos no ta discuti esaki,



solamente nos ta discuti e liña di tempo," Infantino a bisa, consulta riba si e consejo lo considera cambia e regla. "Como presidente di FIFA (...) mas tanto candidato nos tin pa e Mundial, mas feliz mi lo ta," el a agrega. Infantino a bisa cu

FIFA lo inverti 1000 milyon di dollar den futbol femenino durante e actual ciclo di cuater aña, e dobel di e cantidad originalmente planifica. E fondonan aki lo wordo tuma di e reservanan di FIFA.

TA HUUR

Apartament full muebla 2 slaapkamer, airco, alarm, paga bon

Exclui: awa,wifi, ecotech,cable
Pa 2 persona : no kids, no pets

Tel:585-5521 * Cel:565-3228

Specialistanan den medicina preventi: "Coca Cola ta purba di confundi hende riba e riesgonan na cual nan ta wordo exponi"

E sucursal Europeo di e multinacional Mericano Coca-Cola, a pesenta su resultadonan di e prome semester di aña y den dje ta destaca un aumento den su beneficianan di 21.8% respecto e mesun periodo di e aña anterior. Ademá, e compania a celebra cu dia 5 di juli ultimo, su dos fabricanan situa den zuid di Spaña, a logra un cifra historico di produccion cu mas di 4 miyon di liter den boter. Sin embargo, tras su contundente éxito di benta y e popularidad internacional, ta sconde numeroso polemica riba con e empresa ta purba di sconde e problemanan cu nan ta causa den salud di hende. E especialista den medicina preventivo Carlos Fernandez a combersa cu RT riba e asunto aki, señalando cu, manera otro industrianan alimentario, e compania "ta purba di confundi e poblacion", ya sea "financiando estudionan científico cu ta muestra na un otro direccion" of tambe creando un especie di aliansa cu organismonan publico y cu asociacionnan científico."

Victimanan di e industria Hasta Coca-Cola recientemente a yega na "denun-



cia gobiernonan dilanti corte" cu e proposito di "para medidanan di salud publico", e ta señala. Asina tabata e caso di e "impuesto riba bebidanan di sucu cu nan a impone dos aña pasa na Cataluña." "E fabricantenan di bebidanan di sucu y otro alimentonan poco saludabel a logra denunci'e y para e decreto," e dokter ta ehemplifica. Mientras tanto, e consumo di Coca-Cola ta sigui causa daño na salud. E ta asina erg cu "na Spaña ta muri cada dia entre 3 y 4 persona pa via di e bebidanan di sucu," Fernandez a señala, precisando cu e mortonan aki ta sosode

"pa diabetes, malesanan cardiovascular y cancer." E ora, "cu kico e multinacional ta purba di haci pagando miyones di euro na diverso fundacionnan aña pa aña? Den opinion di Fernandez, su obhetivo ta "di un banda laba su imagen y di un otro confundi hende y pa no ta conciente di e riesgonan na cual nan ta expone."

Laba imagen Mescos ta sosode ora cu Coca Cola ta patrocina actividadnan como e caredanan contra diabetes. "Ta mescos si e Dia contra cancer di pulmon ta wordo financia pa Marlboro of algun tabacalero,

fende salud di hende." Tambe "e placa cu nan ta ricibi sa wordo inverti den investigacionnan sesga of manipula cu ta duna rason na e industriaanan, den e caso di sucu," lo cual "ta completamente contrario na loke ta supone cu un profesional sanitario mester haci."

"E enemigo den cas" Den e contexto aki, investigadornan cu no ricibi placa di Coca-Cola ta sinti nan mes "frustra y impotente." Pero "tambe ta un sensacion di traicion" e hecho cu "e propio compañeronan cu a studia mesun cos y cu supuestamente ta den e mesun barco, ricibi placa di e empresanan aki y ta den contra." "Ya ta bastante difícil lucha contra e industrianan si riba dje, nos tin enemigo na cas, manera de caso aki, desgraciadamente," Fernandez ta conclui.

Abona na  awor!

Yama 585-9500 of e-mail nos na

solodipueblo@gmail.com

Tur marduga nos ta entrege den bo porta

di cas!

Noticia cayente, ta aki bo ta haye!

Asadero San Cristobal na Sta Cruz Tur merdia cuminda cayente...



Pica Pollo - Medio Pollo
y hopi cuminda mas

PA PEDIDOS
Tel. 566-0319
Whatsapp Cel. 566-0319

Habri te nochi..

SERVICIO Y COMPRA



**Santa Cruz
BARBERSHOP**
Mon-Fri: 8AM-9PM • Sun: 9AM-6PM
T1.600-6673 • T2.592-1880

Cilantro's Grill Menu

Breakfast - Lunch - Dinner

CUMINDA CRIOYO
Sopi di Dia Special
Pa Pedidos: 594 0635



Maduro Heavy Equipment N.V.

Pa tur tipo di santo, piedra y graniet
Pa trabao di rosamento y cobamento
di fundeshi of Pos

Tin special riba diasabra

Rooi Bosal 49

Tel: 5851708/5943207/5931608

POWERLIFTING • BODYBUILDING

WARRIORHOUSE

GYM



Situa na
Santa Cruz 266
Tel: 566-4478

TA FURA

MATRAAS, MUEBLES,
STOEL DI AUTO
ORANGE MATRAAS FABRIEK
HOPI DESCUENTO
40% Y 50%,
MERCANCIA NOBO
TARABANA SOLO 5
593-4387 OF 588-7468

SOLO

BRIYANDO FUERTE • TRECIENDO CLARIDAD

Di Pueblo



PA TAXATIE DI CAS Y PROPIEDAD

TUMA CONTACTO CU

CERA ARUBA

TEL: 561 5643

Abona na **SOLO** Di Pueblo awor!

Yama 585-9500 of

e-mail nos na solodipueblo@gmail.com

Tur marduga nos ta entrege den bo porta di cas!

Noticia cayente, ta aki bo ta haye!

Servicio na Comunidad

Brandweer	911
Polis	100
Polis Oranjestad	102
Polis San Nicolas	104
Polis Santa Cruz	105
Polis Shaba	107
Tiplijn	11141
Ambulance San Nicolas	584-5050
Ambulance Sasaki	582-5573
Ambulance Wayaca	582-1234
Horacio Oduber Hospital	527-4000
Centro Medico San Nic.	524-8833
SVB AO Ziekmelding	527-2782
Servicio nan	
Elmar storingdienst	523-7147
Web storingdienst	525-4600
Setar storingdienst	117
Digicel	145
Reina Beatrix INT Airport	524-2424
Serlimar	584-5080
Arugas	585-1198
Guarda nos costa	913
Aurora Funeral Home	588-6699
Royal Funeral Home	586-4444
Ad Patres Funeral Home	584-2299
The Olive trees Funeral Home	582-0000
Fundacion	
Rode Kruis	582-2219
Fada	583-2999
Fundacion Respetami	582-4433
Fundacion Guiami	587-1677
Muhe den dificultad	583-5400
Telefoon pa hubentud	131
Centro Kibrahacha	588-3131
Stichting Bloedbank	587-0002
Mary Joan Foundation	588-9999
Kiningin Wilhelmina Fonds	582-0412

Lotto Merdia October 24	Lotto Anochi October 24	DIARIO October 24 1. 7550 2. 7335 3. 2317 SUPER 4 October 24 * 8095 CURACAO October 24 1. 0455 2. 9740 3. 3332 Flamingo October 23 1. 6290 2. 9060 3. 8605
CATACHI Sorteo # 2722 3258 2039 7232	CATACHI 6238 7196 0554	
BIG 4 Sorteo # 2722 8327	BIG 4 0799	
10FF Sorteo # 778 8476	1568	
ZODIAC Sorteo # 2722 2104 Libra	ZODIAC 7646 CANCER	
LOTTO DIA October 24 01 09 17 20 25	LOTTO 5 October 23 22 24 25 26 34 12 E	MEGA October 22 07 10 19 20 15

PUEBLO A HAÑA SU PEN BEK

Pa kualkier informacion
solodipueblo@gmail.com
of
585-9500

NATIONALE TOETS 2020 TRAINING: "TAAL"

(alumnonan 6de klas school basico)
Dianan: oct. 18, 19, 25, 26; nov. 8, 9, 2019

Ora: 3:00-6:00pm (diabierna)

Ora: 1:00-4:00 pm (diasabra)

Lugar: Club Don Bosco (Noord)

Docente : drs. Rudolf R. Kelly

Info: 594-9771/562-2119/ 585-9774.

Email: rr_kelly@yahoo.com



Dienstregeling artsen IMSAN OKTOBER 2019

Dr. Boderie, E
Dr. de Cuba, M
Dr. Every, B
Dr. Giel, D
Dr. Linden v/d, J

Dr. Ramautar, K
Dr. Tromp, J
Dr. Veringa, E
Dr. Vis, S
Dr. Wever, M
Dr. Winterdal, N

MA 30 Sep VERINGA
DI 01 VIS
WO 02 WEVER
DO 03 WINTERDAL
VR 04 DE CUBA

MA 07 EVERY
DI 08 GIEL
WO 09 V/D LINDEN
DO 10 RAMAUTAR
VR 11 TROMP

MA 14 VERINGA
DI 15 VIS
WO 16 WEVER
DO 17 WINTERDAL
VR 18 DE CUBA

MA 21 EVERY
DI 22 GIEL
WO 23 V/D LINDEN
DO 24 RAMAUTAR
VR 25 TROMP

MA 28 VERINGA
DI 29 VIS
WO 30 WEVER
DO 31 WINTERDAL
VR 01 Nov DE CUBA

WEEKENDDIENST

05 - 06 OKTOBER	* EVERY
12 - 13 OKTOBER	* GIEL
19 - 20 OKTOBER	* V/D LINDEN
26 - 27 OKTOBER	* RAMAUTAR
02 - 03 NOVEMBER	* TROMP



Tipline: 585 9500

e-mial: solodipueblo@gmail.com

RAIZ: Nos Naturalesa A Haña Poco Rosea



Movimento RAIZ kier a felicita Minister di Desaroyo Teritorial, Infraestructura y Medio Ambiente y Parke Nacional Aruba (PNA) cu e traspaso di e plan pa nos Parke Marino. Por medio di e plan aki e maneho apropia por cuminsa pa loke ta trata nos bida marino.

Alabes nos a tuma nota cu Minister Otmar Oduber a anuncia cu 12 di November benidero, Gobierno lo traspasa tambe maneho di e 16 areanan di naturalesa, “natuurgebieden”, cu a wordo aproba unanimamente den parlamento pa wordo protegi y cu lo cay bou maneho di PNA.

E logro aki ta completa un lucha cu a wordo inicia door di Aruba Birdlife Conservation hunto cu sosten di nos pueblo na 2012. Riba 6 di februari 2013 parlamento a aproba e plan aki unanimamente. Un palabra di felicitacion y gratitud ta bay tambe na ABC Foundation pa nan colaboracion den dicho proceso.

Movimento RAIZ ta sumamente satisfecho cu Minister Otmar Oduber a demostra di ta un partner den e lucha

pa duna nos naturalesa e derecho cu e merece. RAIZ ta considera e acontecimiento aki como un paso den e bon direccion. Sinembargo, nos no mester perde for di bista cu ainda falta pasonan concreto cu mester wordo tuma pa proteha nos naturalesa y medio ambiente. Awor cu e traspaso aki a tuma lugar, vigilancia y maneho eficaz pa cu e regulacionan ambiental vigente mester drenta na vigor.

Desde inicio di nos Movimiento, naturalesa y medio ambiente tabata un punto di prioridad pa RAIZ. Establece e Derecho di Naturalesa, “Rights of Nature” ta keda nos vision den e proximo gobernacion.

Cada habitante di nos isla mester por referi na e derechonan aki den caso cu no cumpli cu nan of cu nan no wordo efectua debidamente. Ta absolutamente necesario pa proteha y maneha e derechonan aki pa asina nos naturalesa por haya su bos.

Nos kier gradici y reconoce e Minister encarga pa su curashi y determinacion.

FIESTA DI SAN HUDAS THADEO NA MISA INMACULADA CONCEPCION SANTA CRUZ

Dialuna dia 28 di oktober 2019 ta fiesta di San Hudas Thadeo,
“E SANTO DI ESPERANSA”, Patrono di esnan desespera i di casonan dificil.
E anja aki ta di 36 anja cu nos a re-activa e debocion na San Hudas Thadeo.

Pa 6.00 p.m. nos ta resa e Santo Rosario na honor di Mama Maria. Nos ta resa pa combercion di pecadornan, pa crecimiento di fe, bendicion i paz pa nos dushi Aruba cu ta pasando den hopi problema i pa paz mundial.

Pa 7.00 p.m. ta sigui un Santo Sacrificio di Misa como accion di gracia pa tur fabornan risibi. E Santa Misa ta wordo canta pa coro “Vlam di Amor”. E dia aki ta un bunita oportunidad pa tur esnan cu a haya sanacion i judansa den nan necesidad pa gradici Dios na prome lugar i San Hudas Thadeo pa Su intercesion.

Patoor Jairo Maduro i Grupo di Oracion San Hudas Thadeo Santa Cruz ta invita cordialmente tur deboto di Mama Maria i San Hudas Thadeo, tur gruponan di oracion di Santa Cruz i pueblo di Aruba en general pa asisti na e Santa Eucarestia. Asina nos por manifesta nos Fe den Dios i Comunión di Santonan.

Bini uno, bini tur.

**PUEBLO A HAÑA SU
PEN BEK**

Pa kualkier informacion
solodipueblo@gmail.com
of
☎ 585-9500



Cu profundo tristesa Staf y Personal di
Bureau Voorlichting/Servicio Informativo
di Gobierno
Ta participa fayecimento di

Sra. Vda. Jacinta Werleman-Dirksz
mama di nos colega stima
Sra. Maria Werleman

Staf y personal di BUVO ta desea famianan
di e defunto

Sra. Vda. Jacinta Werleman-Dirksz
Hopi consuelo y forsa den e dianan dificil aki.

Cu Sra. Vda. Jacinta Werleman sosega na paz

PRONOSTICO DI TEMPO VALIDO TE DIABIERN 25 DI OCTOBER 2019

COMPILA:

DIAHUEBS 24 DI OCTOBER 2019 17:00 (21:00 UTC)

TEMPO:

AWE ANOCHI: PARCIALMENTE NUBLA I GENERALMENTE SECO
DEN MARDUGA I MAYAN: PARCIALMENTE NUBLA CU LOCALMENTE UN AWACERO BREVE.

TEMPERATURA MAXIMO 31 GRADO CELSIUS
TEMPERATURA MINIMO 26 GRADO CELSIUS

BAHADA DI SOLO : 6:17 PM
SUBIDA DI SOLO : 6:31 AM.

BIENTO:

FOR DI DIRECCION OOST- NOORDOOST TE OOST-
ZUIDOOST I MODERA;
FORSA 3 TE 4 (12 TE 30 KM/ORA, 7 TE 16 NUDO)
DEN DIA BASTA FUERTE TE POSIBLEMENTE
FUERTE DEN RAFAGA;
FORSA 5 TE 6 (31 TE 50 KM/ORA, 17 TE 27 NUDO)

SITUACION GENERAL DI TEMPO:
HUMEDAD PERSISTENTE LAGA ATRAS PA UN OLA
TROPICAL, LO POR INDUCI
TEMPORALMENTE MAS NUBIA DEN PROXIMO 24
ORA. PRINCIPALMENTE DEN
ORANAN DI MARDUGA I MAINTA TREMPAN E
NUBIANAN AKI POR PRODUCI
UN AWACERO BREVE RIBA CIERTO PARTINAN DI
E ISLA.

CONDICION DI LAMA:

OLANAN DI LAMA LO TA FOR DI DIRECCION OOST
CU HALTURA DI 3 TE
LOCALMENTE 6 PIA.

FENOMENONAN SPECIAL: NINGUN

TEMPO TROPICAL SIGNIFICANTE: UN AREA DI
PRECION ABOU,
DEN BAHIA DI CAMPECHE TIN UN CHENS MEDIO
GRANDI DI
SIGUI DESAROYA I BIRA UN CICLON TROPICAL
DEN PROXIMO
12 PA 24 ORA.

POTENCIAL DI AWACERO PA PROXIMO 24 ORA: 1
TE 5 MM;
LOCALMENTE ESAKI POR VARIA.

REGISTRACION DI TEMPERATURA (GRADO CEL-
SIUS) Y AWACERO (MM) DEN ULTIMO 24 ORA:

AIRPORT MAX 32 / MIN 27 / 0.0 MM

PRONOSTICO DI TEMPO PA PROXIMO TRES (3)
DIANAN:
PARSIALMENTE NUBLA CU LOCALMENTE UN
AWACERO.
BIENTO LO TA MODERA TE BASTA FUERTE DEN
RAFAGA FOR DI
DIRECCION GENERALMENTE OOST.
TEMPERATURA (GRADO CELSIUS) MAX / MIN LO
TA: 31 / 27

E PROXIMO BULLETIN LO WORDO PUBLICA DIA-
BIERN 25 DI OCTOBER 2019 17:00 (21:00 UTC)

SUDOKU

		6	8	4				
2		1		6				7
	3	9					1	
				9	8	3		
	6						9	
		7	3	2				
	4					1	3	
7				1		8		4
				3	5	7		

CONDORITO

o	d	a	g	s	a	r	c	k	l	a	p	i	c	e	s	d	e	c	o	l	o	r	o	v	e	m
n	p	e	t	i	c	c	o	r	e	c	i	p	a	l	o	o	f	a	r	g	i	l	o	b	p	t
i	c	c	m	m	h	o	r	n	t	s	c	o	j	y	a	t	i	n	t	a	c	h	i	n	a	e
l	r	l	g	a	a	l	k	a	j	q	f	b	x	s	e	n	o	m	u	l	p	v	m	r	w	a
o	a	u	u	g	r	l	c	v	a	k	o	t	i	n	t	a	s	d	e	c	o	l	o	r	p	t
i	y	d	i	i	a	a	r	a	i	f	a	r	g	o	l	i	x	s	j	f	u	h	y	k	i	r
v	o	a	t	r	n	g	c	e	i	m	t	a	n	o	g	a	l	i	n	a	a	l	c	z	n	o
a	n	t	a	i	g	e	y	x	p	b	l	a	p	i	c	e	s	g	r	a	f	i	t	o	t	d
c	e	u	r	k	o	p	i	n	t	u	r	a	a	l	a	a	c	u	a	r	e	l	a	r	u	e
i	s	a	r	e	d	a	m	e	d	a	r	u	t	l	u	c	s	e	v	o	e	l	i	b	r	s
m	s	l	a	m	r	p	c	k	e	s	c	u	l	t	u	r	a	d	e	j	a	b	o	n	a	o
a	e	f	i	j	s	i	a	n	r	e	d	o	m	a	z	n	a	d	e	n	i	h	q	k	a	m
r	r	m	a	w	b	e	g	y	a	c	i	s	a	l	c	a	c	i	s	u	m	x	g	m	l	b
e	e	t	e	a	t	r	o	e	s	c	o	l	a	r	e	h	c	a	m	l	e	p	a	p	o	r
c	t	l	q	v	x	s	a	o	n	s	z	f	y	j	i	m	a	g	i	u	q	a	m	w	l	a
d	i	b	u	j	o	c	o	n	e	s	m	a	l	t	e	s	i	n	t	e	t	i	c	o	e	s
d	t	m	h	g	f	o	s	n	j	l	c	r	o	l	o	c	e	d	s	a	z	i	t	w	o	s
s	e	d	y	n	q	l	g	a	d	q	r	c	v	s	a	r	e	s	a	c	s	a	t	s	a	p
e	d	y	x	n	f	l	h	p	v	e	t	e	a	d	o	f	l	u	m	i	n	a	g	h	i	k
l	o	m	e	j	z	e	u	v	b	r	p	a	v	i	t	a	e	r	c	a	z	n	a	d	t	g
e	r	s	c	x	j	s	b	r	l	i	t	o	g	r	a	f	i	a	u	c	e	l	s	y	m	t
t	t	f	j	a	i	f	a	r	g	i	t	s	a	l	p	c	e	r	b	i	l	a	z	n	a	d
s	a	t	a	l	a	e	n	p	i	e	d	r	a	c	a	l	i	z	a	q	c	v	n	k	f	
a	e	u	q	u	e	n	a	d	l	a	n	o	i	c	i	d	a	r	t	a	c	i	s	u	m	f
p	t	l	i	m	a	g	i	r	o	y	d	a	n	z	a	f	o	l	k	l	o	r	i	c	a	z
r	s	v	y	g	d	b	x	s	e	l	o	n	i	u	g	e	d	o	r	t	a	e	t	q	c	i
e	f	q	l	s	d	a	v	e	s	c	u	l	t	u	r	a	d	e	p	i	e	d	r	a	m	a

LAPICES GRAFITO
LAPICES DE COLOR
BOLIGRAFO O LAPICERO
COLLAGE PAPIERS COLLES
PLUMONES
PINTURA AL OLEO
PINTURA A LA ACUARELA
CRAYONES
TIZAS DE COLOR
PASTELES
ORIGAMI
KIRIGAMI
MAQUIGAMI
VETEADO FLUMINAGHI
DIBUJO CON ESMALTE SINTETICO
NOGALINA
TINTA CHINA
TINTAS DE COLOR
RASGADO
XILOGRAFIA
PLASTIGRAFIA
LITOGRAFIA

PAPEL MACHE
PASTAS CASERAS
CERAMICA
ESCULTURA DE JABON
ESCULTURA DE PIEDRA
ESCULTURA DE MADERA
TALLA EN PIEDRA CALIZA
DANZA LIBRE
DANZA CREATIVA
DANZA FOLKLORICA
DANZA MODERNA
MUSICA TRADICIONAL
MUSICA CLASICA
TEATRO DE GUINOLES
TEATRO DE SOMBRAS
TEATRO DE TITERES
TEATRO ESCOLAR
FLAUTA DULCE
QUENA
CHARANGO
GUITARRA
VIOLIN

Topico: maneho di nombracion politico y integridad di proyecto 'Port City'

Apreciabel Minister Wever-Croes,

Movimiento RAIZ ta considera integridad un rekisito y balor principal den gobernacion di nos pais. Un aspecto crucial di integridad den nos sistema gubernamental ta, pa actua preventivo contra posibel corrupcion. Un forma di haci esaki, ta por medio di nos deber pa preveni conflicto di interes, cual ta un di e causantenan o e inicio cu a lo largo ta ocasiona falta di integridad, cu eventualmente lo termina den desconfianza di nos comunidad den politica, pues tambe den Aruba su gobernacion.

Maneho di nombracion

Un punto di preocupacion di RAIZ, tanto comun como actual, ta e nepotismo den nombramento y dunamento di trabou door di gobierno. Tanto den departamentonan gubernamental, entidadnan subsidia y Hunta di Comisario di companianan estatal, un cantidad di persona cu ta hopi yega na ministernan y partidonan na mando a wordo nombra.

RAIZ ta di opinion cu nepotismo mester wordo para y evita. Nombracionnan mester sosode a base di cualificacion, profesionalismo y integridad. Mientras cu ta necesario pa introduci reglanan di Good Governance y Good Corporate Governance pa yuda preveni conflicto di interes, Gobierno tin e deber pa actua, anto actua awor, pa asina no keda pega den anticipacion di introduccion di e reglanan aki.

Pa e motibonan aki, RAIZ ta haci e peticion na Prome Minister Wever-Croes pa duna un splicacion di e maneho di gobierno pa loke ta trata nombracionnan den entidadnan gubernamental, y adresa e cantidad preocupante di nombracionnan nepotistico, cual ta crea conflictonan di interes y ta causa falta di confianza di pueblo den gobernacion di nos pais.

Caso specifico

Un punto di preocupacion mas specifico ta trata e integridad den e Hunta di Comisario di APA N.V. y e proyecto 'Port City'. APA N.V., den colaboracion cu minister di Turismo, Salubridad Publico y Deporte, y otro instancianan, a colabora pa e proyecto 'Port City'. Pa e proyecto aki, APA N.V. ta calcula un inversion di 550 milyon dollar, di locual 500 milyon dollar lo ta inversion di inversionista y contratistanan priva, cu un duracion di 10 aña.¹

Nos a tuma nota cu dos representante den Hunta di Comisario di APA N.V. ta involucra den e investigacion andando bou di e nomber 'Avestruz'. Tambe tin nombracion den e hunta aki cu ta duna indicacion di nepotismo.

Considerando cu:

- tin indicacion cu personanan cu funcionnan clave den APA N.V. a wordo 'strategicamente' escogi;
- dos respresentante den e Hunta di Comisario di APA N.V. ta involucra den e investigacion 'Avestruz';
- APA N.V., cu aprobacion di minister di Turismo, Salubridad Publico y Deporte, ta un actor principal den e proyecto 'Port City' cu un inversion total calcula na \$550.000.000,-;
- tanto e investigacion 'Avestruz' y e proyecto 'Port City' ta encera 'real estate';
- den cuadro di integridad gubernamental, gobierno di Aruba tin e deber di actua preventivo contra posibel corrupcion y conflicto di interes:

Movimiento RAIZ ta haci e peticion na Prome Minister Wever-Croes pa para e proyecto 'Port City' temporalmente, y controla y revisa tur decision di e Hunta di Comisario. Esaki den un forma transparente y profundo, cu e meta pa sigura e integridad di e proyecto 'Port City'.

Por ultimo, RAIZ ta remarca cu nos movimiento ta respeta e proceso hudicial y ta reconoce cu sospechosonan no necesariamente ta culpabel di actonan castigabel. Na mesun momento RAIZ ta considera cu den cuadro di integridad gubernamental, accion a base di e informacion describi den e articulo aki, ta sumamente necesario.

Sperando riba un reaccion positivo, nos ta permanece.

Atentamente,



Ursell M. Arends
Lider di RAIZ
uarends@gmail.com

ORACION DI DIA

Un feliz comienso di w-end bendiciona y cu Dios manda e splendor di Su luz den cada curason y hogar.


“ma e señalnan cu ta tuma luga den e tempo aki boso no ta compronde!” (Lc 12, 56b)

Mas cla Hesus no por ta cu mi, cuanto mas Hesus tin cu soporta mi? cuanto mas Hesus tin cu instrui mi? Awe Hesus ta muestra mi atrobe cu un cambio / conversion den mi bida ta esencial, ainda mi ta na tempo, kico mi ta bay haci cu e info aki? Den boroto di mundo, placa, placer, poder, droga, sex desordena/ descontrola pafo di Matrimonio, envidia, etc., unda nos ta bay, unda nos a laga Hesus, cu ta bati na nos porta? Ki dia nos ta habri e porta di nos curason completo pa Hesus por drenta y tuma Su Biba, sin cu nos ta saca Hesus afo bek? Ruman a bira tempo berdad pa un cambio, pa sigui Hesus cu ta E Caminda, Berdad y Bida, anto bida na abundancia! Nos ta bay pe? Awor ta e momento pa cuminsa “Duna gracia na Señor como E ta bon, Su Amor ta Eterno (Salmo 118, 29)

Oracion: Hesus mi Amor haci mi manso y humilde di curason pa mi no perde ningun señal, ni ningun oportunidad pa conversion cu Abo ta manda den mi direccion. Hesus haci mi curason pareu na Bo curason, Hesus den Bo mi ta confia, tene misericordia cu, mi pover y miserabel pecador. Amen.

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Cado Wever.

Cu dolor na nos curason, nos kier anuncia fayecimiento di nos ser kerí:



Sr. Agrepino Maduro
Mihor conoci como “Capito”

*23-06-1930 - †23-10-2019

Acto di entierro lo wordo anuncia despues

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Cu inmenso tristeza pero conforme cu Papa Dios su boluntad, nos ta
anuncia fayecemento di mi casa, nos tata, nos welo y ruman stima:

Mario Harold Everon

cariñosamente yama "Mai"
* 05 Nov 1949 - †18 Okt 2019



Na number di:

Su casa stima:

Su yuinan:

Su nieto/a nan stima:

Rumannan:

Miriam J. Everon-Lopez
Mayka Everon & Henry Koolman
Rachelle Everon
Elton Everon & Maritza Bareño
Hilyen & Henryson Koolman
Rocco & Xiannah Everon
†Maria "Tanchi" Everon
†Bernardinus "Momo" Everon & Vitalina
Rodriguez
Lucia "Pechi" Everon y famia
†Magda Everon y famia
†Emeraldo "Shon Me" & Cicilia Everon
Koolman
†Julio "Juij" Everon
†Nicolaas "Bati" & Maria Everon Semeleer
†Reginaldo "Nady" Everon y famia
†Casper "Danchi" & †Lidia Everon Arends
Dora Everon
Judith Lopez y famia
Ligried "Dita" Matos
Segundo "Dundun" Vrolijk

Cuña y Swanan:

Sobrino y Sobrina (nan) y famia

Sobre-sobrino y sobre-sobrina (nan)

Primo y prima (nan) y famia

Iha (nan):

Evelina Kelly y famia na Hulanda
Mirella Vrolijk y famia
Edwin "Tinchi" Henriquez y famia na
Hulanda
Comer y comper (nan) y famia
Irma Kock y famia
Shandeeh Arends y famia
Frida Werleman y famia
Edwin Arendsz y famia
Buitenlandse Betrekkings Aruba
Instituto di Cultura
Posada Aruba
Dialyse afdeling Hospitaal

Bon bisiña di cas:

Mama di su nieto y nieta:

Amiga y amigo (nan) di cas:

Amigonan di Domino – Cede di MEP y Grupo 7

Ex-coleganan di :

Demas famia (nan)

Everon, Lopez, Koolman, Bareño, Vrolijk, Maduro, Arends, Paesch, v/d
Werf, Webb, Semeleer, Matos, Kelly, Henriquez, Croes, Petrochi, Her-
nandis, Wong, Hoek, Tromp, Dirks, Francisca, Werleman, Dañe.

Oportunidad pa condolencia lo ta diahuebs 24 oktober 2019 for di 7'or
pa 9'or di anochi na Aurora Funeral Home.

Acto di entierro lo tuma lugar na Aurora Funeral Home diabierna
25 oktober for di 2'or pa 4'or di atardi despues lo sali pa Santana
Catholiko na St.Cruz.

Disculpa nos si den nos tristeza nos por a lubida algun familiar

Nos ta lamenta cu despues di entierro nos no ta ricibi bishita di condo-
lencia na cas.

INVITACION NOBENA NA HONOR DI SAN MARTIN DE PORRES

Reverendo Pastoor Jozef Pelc,
Pastoor di Parokia Birgen di Fati-
ma Dakota, hunto cu grupo di
fiel debotonan di San Martin de
Porres, ta invita parokianonan y
pueblo di Aruba en general na e
nobena na honor di San Martin
de Porres cu ta cuminsa diabierna
awor 25 di October te cu 2 di
November 2019 pa 6'or atardi den
Kapel. Diadomingo 27 nobena ta
cuminsa pa 5'or atardi.

Fiesta di San Martin de Porres ta
wordo celebra diadomingo 3 di
November pa 8'or di mainta cu
un Santo Sacrificio di Misa Solem
cu musica y canto di Koor Birgen
di Fatima Dakota.

San Martin conoci como "Tata di
poberman" pa su humildad sem-
per a busca e lugar di mas abao.
Ma su alma tabata subi mas y
mas cada bes cerca di su Creador
y el a bira un religioso ehemplar.



Contra egoismo di nos tempo,
nos mester imita San Martin su
entrega total pa su igualnan.

Gradicimento/Invitation

Pa medio di esaki famia kier a gradici tur esnan cu na un
manera of otro a demostra nan atencion durante e momenton-
an dificil di fayecimento y entierro di nos defunto stima:



Filomena Elisabeth Morel

mihor conoci como "Mena of Filo"

* 19-11-1942 † 12-10-2019

Boso muestra di atenshon ta di hopi aprecio y un gran sosten
pa nos.

Un danki na Aurora Funeral Home cu su tremendo servicio.
Alabes nos kier a invita pa 3 santo sacrificio di misa cu lo tuma
lugar na Misa Santa Anna na Noord:

Diasabra 26 oktober 2019 pa 7or di anochi.
Boso presencia lo ta altamente aprecia.

Kortsluiting lo tawata causa di candela ariba edificio dilanti Bushalte grandi na Playa



Werfstraat/ L.G Smith Blvd - Diahuebs atardi dilanti Bushalte grandi caminda a wordo cera, pa un candela cu lo a cuminsa den dak of ariba dak di e negoshi I Love Aruba.

Na yegada di tanto Brandweer y Polis por a mira huma saliendo, indicando cu tin candela un caminda ariba di e luga.

Dos unidad di Brandweer mesora a drenta den accion y masha lihe tawatin e candela bou control.

E candela a cuminsa ariba e dak cu ta cay den Werfstraat.

Segun Sr.Ponson di Brandweer lo tawata trata di un kortsluiting parti ariba di e dak.

Ta e motibo aki a kita e coriente di e full e negoshi paso no sa na cua Breaker esaki lo ta bay.

Tur hende a mester a sali di e luga loke ta un procedura normal.

E candela a wordo domina y segun Ponson parti paden di e negoshi lo no a sufrí daño.

Departamento di DTI a wordo poni na altura di e sucedido y lo mester hancin nan investigacion.

